

BAHMAN GHOBADÎ LI CANNES'Ê ELEQEYEKE MEZIN DÎT

# Hesp, kûsî û niha jî pisîk...

Derhênerê kurd Bahman Ghobadî îcar jî pisîkên Îranê kirine mijara filmê xwe. Film di çarçoveya 62'emîn Mîhrîcana Fîlman a Navneteweyî ya Cannesê de hat nîşandan û rastî eleqeyeke mezin hat



► **DERHÊNERÊ** kurd Bahman Ghobadî îcar jî pisîkên Îranê kirine mijara filmê xwe. Film di çarçoveya 62'emîn Mîhrîcana Fîlman a Navneteweyî ya Cannesê de hat nîşandan û rastî eleqeyeke mezin hat. Hate diyarkirin ku gelek aktorên navdar eleqe nîşanî Ghobadî daye.

► **GHOBADÎ** vê carê jî mijareke pir balkêş hilbijart. Eleqeya Ghobadî ya jî bo sewalan didome û wan dike hêmaya filmên xwe. Beriya niha hesp û kûsî niha jî pisîk. Di filmê xwe de drama ciwanên ku li Tehranê dijîn û muzîkê rockê dikin bi awayekî mîzahî vegotiyê... **RÛPEL - 6**

## Pêkufî bi grevan tîn şermezarkirin

Bi armanca şermezarkirina operasyona li dijî DTP'ê ku di encamê de 3 cigirên hevserok û 53 kes hatin girtin li Erzincan, navçeyên Darahênê, Erxenî, Dicle, Farqîn, Bismil, Lice yê Amedê û navçeya Misircê ya Sêrtê çalakîyên greva birçibûnê dest pê kirin. Bi van çalakîyan tê xwestin ku



siyasetmedarên DTP'î yê piştî hilbijartinê hatine girtin, bîn berdan. Grevên birçibûnê dê 2 rojan bidomin... **RÛPEL - 4**

# HAWAR

Rojnameya Rojane  
17 Gulan 2009  
Yekşem  
Sal: 1  
Hejmar: 12  
Buha: 50 Kr

## Jin nobetê digirin

Bi pêşengiya parlamenterên jin ên DTP'ê li hemberî cinayetên 'namûsê', hemû cureyên şideta li dijî jinê di çarçoveya kampanyaya "Em ne namûsa tu kesî ne, namûsa me azadiya me ye" de sibê li navçeya Dêrikê ya Mêrdînê dê konê nobetê bê vedan... **RÛPEL - 7**

# 'Bila hikûmet gavên berbiçav bavêje'

54 komeleyên çandê, sendikayên memûr û karkeran, rêxistinên jinan, komele û saziyên sivil û odayên pîşeyî daxuyaniyeke hevbeş dan. Sazî û dezgehên li Amedê xwest ku Hikûmeta AKP'ê ji bo çareserîya pîrsgirêka kurd demildest gavên berbiçav bavêje. Çavkaniyên siyasî yê PKK'ê jî dibêjin bi her awayî muxatabên pîrsgirêka kurd diyar in



## Li Sêrtê nobeta demokrasî û aştiyê

Li Sêrtê ji aliyê Komeleya Mafên Mirovan (ÎHD) ve çalakîyeke balkêş hate destpêkirin. Bi piştgiriya Platforma Demokrasiyê ya Sêrtê ji bo protestokirina zext û pêkûtiyên ku di dema dawî de li ser saziyên kurd tê meşandin, daxwazkirina çareserîya pîrsgirêka kurd bi riyên demokratîk û aştiyane biryara şevkê 'Nobeta Aştî û Demokrasiyê' hate girtin.

## 'EV REWŞA DAWÎ BO TIRKIYÊ ŞANSEKÎ MEZIN E'

Şaxa Sendikaya Kedkarên Gelemperî yê Maden, Sanayî û Enerjiyê (ESM) ya Amedê ji bo çareserîya pîrsgirêka kurd li Amedê bi 54 saziyên demokratîk re deklarasyonê hevbeş amade kir û li Cemiyeta Rojnamegeran a Başûrêrojhilat bi raya giştî re parve kir. Serokê Şaxa ESM'ê ya Amedê Yakup Keskin got ku rewşa bê şer ji bo aştiya li Tirkiyê hêviyek e.

## 'BILA LI MECLISÊ XEBATA AŞTIYÊ BÊ MEŞANDIN'

Keskin, weke nûnerên rêxistinên demokratîk nêrînen xwe yê ji bo aştiyê wiha gotin: "Şansek ji bo aştiyê bê dayîn û rewşa bêşerîyê bidome em daxwaz dikin ku hikûmet gaweê biavêje. Her wiha ji bo piştî 1'ê hezîranê rewşa bêpeyvîyê mayînde bibe gavên demokratîk bêne avêtin û di bin banê Makeqanûnê de bê misogerkirin. Em daxwaz dikin ku li TBMM'ê xebatê bêne meşandin..." **RÛPEL - 4**

## 'Muxatabên aliyê kurd aşkera û diyar in'

Li gorî çavdêrên siyasî ji bo çareserîya pîrsgirêka kurd muxatabên aliyê kurd diyar in. Çavkaniyên nêzî PKK'ê wiha dibêjin: "Divê îradeya gelê kurd bê qebûlkirin. Pîrsgirêk bi muxataban re tê çareserkirin. Muxatabên pîrsgirêkê li holê ne. Liderê PKK'ê Abdullah Ocalan e, PKK ye, DTP ye, heke ev jî nabin mirovên aqilmend in. Yanî aliyê kurd di vî mijarê de zela e. Divê dewleta Tirk van alternatîfan qebûl bike û gavan biavêje." Her wiha çavdêrên siyasî radigihînin ku Serokomar Abdullah Gul behsa fersendekê dike, lê hikûmetê bêdeng e, operasyon berdewam dikin.



## Li Diyadîne hovîtiya nedîtî

Li Diyadîna Agiriyê Yildiz Akkuş (23) bi îdiaya ku têkiliya wê bi yek din re heye guh û difina wê hate jêkirin û hate şîşkirin. Ajokarê mînbûsê dayika 3 zarokan Yildiz Akkuş li eraziye wê birîndar dît û rakire nexweşxaneyê. Derket holê ku malbata Akkuş bi îdiaya têkiliya Yildiz Akkuş bi yekî din re heye, biryara kuştina wê daye û lewre guh û pozê wê hate jêkirin û ew avêtin navbera gundên Boyalan û Taşkesenê.



## Windayan bibînin ji şermê xilas bibin

Dayikên Şemiyê ku ji bo aqûbeta xizmetên xwe yê wînda hîn bibin ev cara 216'emîn e çalakîya rûniştinê pêk tînin, banga, "Berê xwe bidin windayan û ji vî şermê xilas bibin" li hikûmetê kir. Dayikên Şemiyê ji bo pîrskirina aqûbeta kesên wînda cara 216'emîn li Qada Galatasarayê çalakîya rûniştinê li dar xistin. Dayikên Şemiyê vî hefteyê ji bo Hasan Ocak û Rîdvan Karakoç rûniştin. Dayikan qumefîl û wênayên windayan rakirin... **RÛPEL - 3**

# Beriya Qasr-i Şirînê piştî Qesr-i Şirînê û Lozan

Piştî peymana Qesr-i Şirîn Kurdistan bû du parçe. Ji serdema 10'an heta serdema 20'an hezar salan me paletiya umetê kir û birayên 'misilman' dek û dolabên xwe li hemberî me gerandin. Bi peymana Lozanê ya ku di 1924'ê de hate îmzekirin vê carê Kurdistan bi destê Rojava û Tirkiyeyê bû çar parçe

## ADIL ZOZANI

Sosyolojiya me kurdan; heke rojekê rêkûpêk bê nivîsîn, dê sedemên bindestbûna me ji derbikvekin holê. Ji serdema 10'an heta ku şirkatiya kurdan û osmaniyan destpêkirî qonaxek e. Heta Peymana Qesr-i Şirînê qonaxa duyemîn û ji Qesr-i Şirînê heta Lozanê jî qonaxa sêyemîn e. Îro hêviya çareseriyê û vegera seriya 360'an em ketine qonaxa çaremîn.

Civaknas û dirokzanên me yê ku dê xebatê li ser vê mijarê bikin, qalmecal in ku sedsala 10'an ji bo xwe bikin yek ji duryanên esasî yê lîkolînê xwe. Lewre ev serdem ji bo me kurdan şirkatiya 'umetê' vedibêje. Yekemîn car me kurdan di vê dirokê de bi serkêşîya eşîreta Rawadî iktidara umetê girtiye ser xwe.

Malbata Selaheddin Eyûbî di vê serdemê de şirkatî bi Xelîfeyê Fatimî re kiriye. Kurdistan di vê serdemê de ji bo Rojhilata Navîn bûye kozika parastinê. Di vê serdema ku malbateke kurd serkêşîya Rojhilata Navîn dikir de, li Mezopotamya Jorîn jî yek ji cerebeyên dewletbûnê dihatê jiyîn. Dewleta Sedatî ya kurd ku li Farqînê hatibû damezrandin, cerebeyeke din a iktidarbûnê bû. Dewleta Merwanîyan jî ji aliyê Bad ve li Xarpêtê di sala 981'ê de hatibû damezrandin û piştî ku Bad di encama şerê ku bi Hamdaniyan re hate kuştin, kurê wî li ser kursiya wî rûnişt û navê dewleta xwe ji bavê xwe re bexşand. Sîmorên dewleta Merwanîyan jî Colemanê heta ber qonartarên Cûdî, Mûş û Heskîf girtibûn nav xwe.

Di serdema Merwanîyan de pêşketineke xurt a aborî pêk hatibû. Bi tenê li Farqînê sê coyên avê hatibûn çêkirin û ji van coyên avê li tevahiya bajar hatibû belavkirin. Amed û Farqîn bûne wargêhên bingehîn ên bazirganiyê û her wiha di vê serdemê de girîngî dane xebatên çandî û edebî jî. Li gori vebêjêrên dirokê Melîkşah çavnebarî li



vê dewlemendiye kiribû û ji Nasiruldewle xwest ku dewlemendiya heylî parve bikin. Lê Nasiruldewle ev pêşniyar red kiriye. Melîkşah jî ber hindê bi ser Farqînê de girtiye û bûye serwerê bajêr. Ji ber ku vekolana dirokê heta niha bala me kurdan tam nekişandiye, agahiyan dirokî yê vê serdemê tam zelal nînin. Lê bi qasî ku me kariye diroka xwe ya vê serdemê jî nav ya serdesten wêlatê xwe vewêjêrin, em dibînin ku ji serdema 10'an heta dawîya serdema 12'an cerebeyên me yê ji bo iktidarbûnê pêk hatine.

Ligel hatina Osmaniyan a Anatoliyê û şirkatiya me ya bi wan re, me kurdan rûyê rojê nedîtiye. Balkêş e ku Rojhilata Navîn di hemû pêvajoyên krîtîk de bi serkêşîya pêşiyên kurdan li hemberî hêzên Rojava li ber xwe daye. Lê dema mijara xweserbûna me hatibe rojevê, aliyê hatiye xapandin em kurd in. Ligel paradîgmaya umetpazîyê mafên jigelbûnê pêk tên ên gelê me kurdan hatine qurbanîkirin. Ji serdema 10'an heta, 17'ê gulana li ser xaka Kurdistanê çî qewimiye divê baş bê vekolîn. Şirkatiya bi Osmaniyan re ji bo me kurdan bûye sedemê windahiyeke çawa divê baş bê fêmkirin. Hin pirs hene ku diroknas bersiva wan peyde bikin. Yek ji wan pirsan ew e ku kîjan taybetiyên kurdan û osmaniyan ew ber bi hev re birine? Ji daneyan dirokî yê hatine ragihandin, taybetiyeke esasî ew e ku, serkêşên qewmî malbatî bûn. Osmanî wekî qebile hatin Anatoliyê û wekî qebile şirkatî bi qebileyên kurd re pêk anî. Serkêşên kurdan ên hêza xwe ji eşîret û qebileyên xwe digirtin -wekî eşîreta Rawadî- di vê serdemê de serkêşîya Rojhilata Navîn dikir. Di serdema ku osmaniyan yekemîn car gav avetiye Anatoliyê de pirsgrêka esasî parvekirina iktidarê bû. Pirsgrêka parvekirina sînoran nebû. Li Rojhilata Navîn li ser navê umetê kî dibû iktidar, di heman demê de dibû serwerê sînoran jî.



## Serhildanên sedsala 20'an

- Ji destpêka sedsala 20'an şûnde bînavber, geh li Başûr, geh li Rojhilat û geh li Bakur agirê azadiyê jî hundirê me venemir. Lê noqteya dawî jî me nekariye noqteya dawî jî bo tîkoşîna azadiyê deynin.
- 1905 -Serhildana Bazîd-Bedlîsê
- 1906 -Serhildana Bişarê Çeto
- 1907-1909 -Serhildanên Dêrsimê
- 1908 -Serhildana Hemawendî
- 1909 -Serhildana Silêmaniyê
- 1913 -Serhildana Mele Selîm û Şêx Şehabedîn
- 1914 -Serhildana Barzan
- 1919-1922 -Serhildana Simkoyê Şikakî
- 1919 -Serhildana Eliyê Batê
- 1919 -Serhildana Yekemîn a Berzencî
- 1919 -Serhildana Mûsa Begê Kurd (Konya)
- 1920 -Serhildana Şivan Xudo
- 1920 -Serhildana Eşîreta Milan
- 1920 -Serhildana Cemilê Çeto
- 1921 -Serhildana Koçgiriye
- 1923 -Serhildana Duyemîn a Berzencî
- 1924 -Serhildana Bêşebabê
- 1925 -Serhildana Şêx Seîd
- 1925 -Serhildana Nehriyê
- 1925 -Serhildana Reşkotan û Ramanê
- 1926 -Serhildana Hezroyê
- 1926 -Serhildana Yekemîn a Agirî

- 1926 -Serhildana Koçuşagi
- 1927 -Serhildana Mutkiyê
- 1927 -Serhildana Duyemîn a Agirî
- 1927 -Serhildana Bîcarê
- 1928 -Serhildana Sason - Berwarî û Hezoyê
- 1929 -Serhildana Resûlê Serhildêr
- 1929 -Serhildana Tendurekê
- 1930 -Serhildana Sawirê
- 1930 -Serhildana Zilanê
- 1930 -Serhildana Oremarê
- 1930 -Serhildana Sêyemîn a Agirî
- 1930 -Serhildana Pîlûmûrê
- 1930 -Serhildana Sêyemîn a Berzencî
- 1931 -Serhildana Şêx Ehmed Barzanî
- 1937 -Serhildana Dêrsimê
- 1943 -Serhildana Yekemîn a Mela Mistefa Barzanî
- 1945-1946 -Serhildana Mehabadê
- 1961 -Serhildana Duyemîn a Mela Mistefa Barzanî
- 1979 -Serhildana Komelayê
- 1984 -Serhildana PKK'ê
- 1989 -Serhildana Kurdistanê Laçîn (Wekîl Mistefayev)
- 1991 -Serhildana Yekemîn a Başûrê Kurdistanê
- 1992 -Serhildana Duyemîn a Başûrê Kurdistanê

Bi taybetî civaka ereb, ji ber ku di warê hişmendiyê olî de serweriya civakî dikir, li pey iktidarbûnê nedigeriya. Lewre kî bûbûya iktidar bi hişmendiyê wan a civakî tevdiageriya. Parastina Rojhilata Navîn a li hemberî hêzên xaçperest xala nîrengî ya hemû civakên misilman bû. Osmaniyan piştî şirkatiya bi kurdan ev taybetiya Rojhilata Navîn nas kir. Û gav bi gav serweriya xwe ya li Rojhilata Navîn tekûz kir. Her çiqas qibleya wan a şer Rojava be jî bingehê serweriyê li ser civakên Rojhilat ava kir. Şibîna kurdan û osmaniyan di vê noqteyê de ji bo osmaniyan bûye pêlêka serkeftinê. Pîrsa duyemîn jî ew e, teşegirtina kurdan a li gori hişmendiyê ereban e. Tubabûna me kurdan a ji bo qaideyên umetiyê di qonaxên dirokê de li hemberî hişmendiyê 'xwebûnê' bûne prangayên esaretê. Pîrsa sêyemîn jî, jêdûrketina me ya ji bo taybetiyên xwe yê civakî ye. Ji bo keşîrkirina siyasetê em kurd pîr derengî mane.

Heta 17'ê gulana 1939'an hayê me jî dek û dolabên şirkên me nebûye. Di şirkatiya me kurdan û osmaniyan de du kozikên şerên ku em tê de şer bikin hebûne. Li Rojhilat kozika li hemberî şîyan, li Rojava kozika li hemberî xaçperestan.

Lê di her du kozikan de jî em hatine xapandin. Xapandina yekemîn bi peymana Qesr-i Şirînê re aşkera bû. Piştî peymana Qesr-i Şirînê ya di navbera Osmaniyan û Safewîyan de hatiye îmzekirin Kurdistan bû du parçe.

Dema Muratê IV'ê emîn li Bexdayê li hemberî Safewîyan şer dikir, di nava artêşên osmaniyan de eşîrên kurd jî hebûn. Osmaniyan li Bexdayê bi piştigiriya eşîrên kurd Safewî tîk birin û Peymana Qesr-i Şirînê pê re îmze kir. Safewî jî Bexdayê bûn, lê wêlatê kurdan jî bû du parçe. Ji bilî parçeyê Kurdistanê yê ku niha destê Îranê ye, hemû Kurdistan bi vê peymanê ket bindestê osmaniyan.

Di serdema ku Peymana Qesr-i Şirînê de hatiye îmzekirin, Ehmedê Xanî lîba li kurdan hatiye kirin fêmkiriye. Xaniyê di dewra duyemîn a sedsala 18'ê emîn de hatiye dinyayê di berhemên xwe yê wêjeyî de bal kişandiye ser hişmendiyê netewebûnê û hişyarî kiriye. Lê heta serhildana Edirêhan Paşa (1806) hişyariya wî nehatiye fêmkirin. Piştî Evidirêhan Paşa, Bedirxaniyan û Şêx Ubeydullahê Nehrî bizavên serxwebûnê birêxistin kirine, lê serkeftî nebûne. Beriya ku em bîr ser lêbandina duyemîn a dirokî, divê em bi bîr binin ku sedemê tîkûna serhildanên kurdan ên di sedsala 19'an de li ser pêrebûna me ya ji bo rêgezên umetbûnê diqewimîn. Ji serdema 10'an heta serdema 20'an hezar salan me paletiya umetê kir û birayên 'misilman' dek û dolabên xwe li hemberî me gerandin. Rûpelê reş ê di serdema 20'an de li dirokê hatiye zêdekirin ji peymana Lozanê ya ku di 24'ê tîrmeha 1924'ê de hatiye îmzekirin, em dibînin. 284 salan piştî Peymana Qesr-i Şirînê Kurdistan vê carê bi destê Rojava û Tirkiyeyê bû çar parçe.

Îro piştî 360 salan em hewl didin ku diroka xwe ji nû ve bixwînin û dek û dolabên li hemberî me hatine zivirandin fêmkirin. Umetpazîyê me yê ku em ji bo xwe kiribûn şerêkên kozikên xerbê, bi Lozanê du deziyên zîva ji guhên me kişandin' û em danîn ber derî. Di qonaxa sedsala 20'an de me hewl da ku van fêlan pûç derbixin. Lê nebû. Sal û zeman guherîn. Sedsala 21'an dest pê kir, hê jî heman livbaziya me didome.



**Awêne**  
**Samî Tan**  
sberbeyan@yahoo.com

## Heke zîhniyet biguhere, çareserî hêsan e

Gelo îcar dê deriyê çareseriyê vebe? Ev çend hefte ne her kes kêşeya kurdî niqaş dike. Mijar ji her aliyê ve tê niqaşkirin. Her yek navêki li mijarê dike; li gori bir û baweriya xwe, li gori tîgîhiştin û zanîna xwe analîzê dike. Mijar bi boneya gelek bûyeran tê niqaşkirin; hevpeyvîna ku Hasan Cemal bi Serokê Desteya Rêveber a KCK'ê Murat Karayîlan re kirî, daxuyaniyên Serokomarê Tirkiyeyê Abdullah Gul, bûyera Zanqirtê, agirbista yekalî ya PKK'ê, girtina rayedarên DTP'ê, axaftina Serokê Amerîkayê Obama û hwd. Ez jî wekî gelek kesan hêvî dikim ku êdî ev niqaş ji çareseriyê re xizmetê bikin, êdî deriyê çareseriyê demokratîk û aştiyê mayînde vebe.

Lê dîsa jî mirov dema ku bal û guhên xwe dide nixandînan nîvîskarên çapemeniya Tirkiyeyê mirov digihêje wê baweriyê ku çareseriyê ve kêşeyê pir dijwar e. Ji ber ku gelek aliyên mijarê hene, gelek hêz û derdor bandorê li aliyên pirsgrêkê dikin. Qet nebe gelek kes wisa dibêjin û wisa bawer dikin. Ev bawerî ne pûç e, xwediyê vê bir û baweriyê heta radeyekê mafdar in.

Lê dema ku mirov hinek din bi hûrbîni li mijarê dinêre, mirov dibîne ku li ber çareseriyê astengiyê sereke heye, ew jî zîhniyeta dogmatîk a neteweperest e. Xwediyê vê zîhniyetê naxwazînan guherîn û pêşveçûnên li cihanê, qonaxên ku mirovahiyê li pey xwe hiştine bibînin. Ew naxwazînan xwe li gori van rastiyan nû û nûjen bikin, hê jî bi bir û ramana sedsala 19'an difikirin û çareseriyê li gori pergala wê demê dixwazin. Ew pergala jî destûrê nade çareseriyê nûjen û demokratîk. Ji bo xwediyê vê ramanê tekane rîya çareseriyê ew e ku kurd dev ji doza maf û azadiyên xwe berdin û xwe radestî pergala heylî bikin. Ji lew re jî heta ku rayedarên Tirkiyeyê dev ji helwesta yek-netewe bernedin pirsgrêkê çareser nabe. Li vir du rê hene; ya dê rastiya neteweyî ya heylî were pejirandin û pergaleke du-neteweyî were pejirandin. Lewre li holê du neteweyî; kurd û tirk hene. Heke em vê riyê bidin ber xwe em ê çareseriyê demdemî û li gori tîgîhiştina sedsala 20'an bi dest bixin.

Riya duyemîn jî avakirina pergaleke welatîniyê li ser bingeha "neteweyê demokratîk e". Her çiqas di van mercên Rojhilata Navîn de avakirin û domandina pergaleke wiha pir dijwar be jî, çareseriyê mayînde ew e. Ev cure welatîniyê bingeha pergaleke pîrcandî, pîrzimanî, pîrnasnameyî ava dike. Heke pergaleke wiha li Tirkiyeyê were avakirin, bingeha pergaleke di ser netewetîyê re jî pêk tê.

Lê zîhniyeta sedsala 20'an nikare pêşengiya avakirina pergaleke wiha bike, lewre li gori baweriya wan, netewetî ne qonaxê demdemî ye, jî mîj ve heye û dê hetahetayê bidome. Xwediyê vê baweriyê jî bir dikin ku berî çend sedsalan xwediyên pergalekê demê jî formên civakî yê demê wekî formê hetahetayî difikirin, lê wisa nebû.

Astengiya li ber çareseriyê ew e. Ev zîhniyet nahêle ku deriyê çareseriyê vebe. Her wekî çawan hoz û eşîran di şerên hozî de qira hev diant. Nîha jî tê xwestin ku neteweyî qira hev binin. Heke ev zîhniyet biguhere, çareseriyê doza kurdan pir hêsan e, lê heke neguhere, çareserî ne pêkan e, lewre parastina hebûna xwe mafê herî rewya ye, kes mohra xwe li bin fermana qirkirina xwe nade.

## HAWAR

**Aram Basın Reklam ve Yayıncılık Tic. San. Ltd. Şti.**  
Adına İmtiyaz Sahibi ve Sorumlu Yazı İşleri Müdürü **Bedri ADANIR**  
Adres: Kooperatif Mahallesi Gevran Caddesi 1 Geçit. Sarioğlu Apt. Kat: 4 No:14 Ofis Yenisehir - Diyarbakır  
TEL: 0 (412) 229 00 30  
Fax: 0 (412) 229 00 39

Baskı (ÇAP):  
Stenbol: Gün Matbaacılık, Reklam, Film, Basım, Yayın, Tan. San. Tic. Ltd. Şti. Beşyol Mah. Akasya Sok. No: 23/A  
Sefaköy - Küçükçekmece İstanbul  
Tel: 0 (212) 580 63 80  
Edene: Arslan Güneydoğu Gazetecilik, Matbaacılık, Kağıtçılık A.Ş. İstiklal mah. İstiklal, Cad. No: 44 Seyhan Edene  
Yayın Türü: Süreli

# Dayik ji bo Ocak û Karakoç rûniştin

Dayikên Şemiyê ji bo pirskirina aqûbeta kesên winda cara 216'emîn li Qada Galatasarayê çalakiya rûniştinê li dar xistin. Dayikên Şemiyê vê hefteyê ji bo Hasan Ocak û Ridvan Karakoç rûniştin û xwestin kujer bêne dîtin

Dayikên Şemiyê ku ji bo aqûbeta xizmen xwe yê winda hîn bibin ev cara 216'emîn e çalakiya rûniştinê pêk tînin, banga, "Berê xwe bidin windayan û ji vê şermê xilas bibin" li hikûmetê kirin. Dayikên Şemiyê vê hefteyê ji bo Hasan Ocak û Ridvan Karakoç rûniştin. Dayikan qumefl û wêneyên windayan rakirin. Parlamentera DTP'ê ya Stenbolê Sebahat Tuncel jî piştigirî da dayikan.

Dayika Hasan Ocak Emîne Ocak ku di çalakiya rûniştinê de axivî, ji bo hemû kesên piştigiriyê didin spas kir. Xizma windayan Hanîfe Yılmaz jî, bal kişand ku

hêzên ewlekariyê nayên cezakirin û wiha got: "Me nedarizînin, kesên ku winda kirine bidarizînin. Divê serokwezîr bi me re bê cem hev û ji bo ji vê şermê xilas bibin çareseriyê bibîne. Lazim e Wezîrê Dadê ji me lêborîne bixwaze. Berê xwe bidin windayan û ji vê şermê xilas bibin." Birayê Ridvan Karakoç Hasan Karakoç jî ku piştî Yılmaz axivî, diyar kir ku ji ber birayê wî bi hîstiyarî nêzî pirsgrêka kurd dibû bedelê wê giran da.

Piştî axaftinan vê hefteyê Hunermend Berfin Zenderlioglu daxuyanî da. Zenderlioglu, destnîşan kir ku kolanên

Ergenekonê yê li Golbaşi ya Enqereyê, Sapanca û Beykoz tînin pêkanîna ji wan re biyanî nayê û bal kişand ku li Golbaşi, Sapanca û Beykoz gelek kes rastî îşkenceyê hatine. Zenderlioglu, derbiri ku dema Hasan Ocak û Ridvan Karakoç hatin qetilkirin Necdet Menzîr, Mehmet Agar, Tansu Çiller, Nahit Menteşe li ser peywîrê bûne û wiha got: "Em ji winda kirina Ocak û Karakoç wan berpirsyan dibînin. Heta ku berpirsyan windayan neyên cezakirin rêveberên dewletê nikarin behsa mafên mirovan û demokrasîyê bikin." STENBOL



## Îhmala rayedaran Akkurt 'kor' kir

Girtiyê bi navê Gulnaz Akkurt ku li Girtîgeha Tîpa F ya Tekirdagê ya no 2'yê ji ber ku nehat dermankirin bî-nahiya çavên xwe winda kir.

Ji ber ku daxwaza tedawîkirinê ya girtiyê bi navê Gulnaz Akkurt a li Girtîgeha Tîpa F ya Tekirdagê ya no 2'yê dimîne nehat qebûl kirin kor bû. Gulnaz Akkurt di nameya rê kir de diyar kir ku berî niha ji sedî 85 çavê wê nedidît û ji ber nehatiye tedawîkirin êdî bi temamî nabîne. Akkurt, diyar kir ku ev 11 sal in di girtîgehê de ye, da zanin ji ber şertên giran ên girtîgehê daxwaza tedawîkirinê kiriye lê ji ber heta niha daxwaza wê bi cih nehatiye ji sedî sed çavên xwe winda kiriyê. Akkurt, destnîşan kir ku par ji Nexweşxaneyê Perwerdehî û Lêkolînê ya Hasekî ji sedî 85 çavên wê nabînin rapor girtiyê û derbiri ku şertên giran ên girtîgehê nehatine başkirin.

### Li girtîgehê hiqûq pêk nayê

Akkurt, diyar kir ku ji ber şert û mercên girtîgehê yê giran, tenduristîya wê her ku diçe xera dibe. Akkurt, da zanin ku niha di hucreyê de nikare bi tena serê xwe pêdiviyên xwe pêk bîne, wiha got: "Ez bi alikariya hevalên xwe pêdiviyên xwe dibînim. Ev yek ne li gorî hiqûqê ye. Hemû daxwazên min rayedaran red kirin. Saziyên din jî li hemberî vê rewşê bêdeng man." STENBOL - DÎHA



## Li girtîgeha Meletiyê ji bo ku girtî mafê xwe dixwazin ceza dibare

Hate zanin ku li Girtîgeha Tîpa E ya Meletiyê ji bo nameyên kurdî ji girtiyên 40 TL pere tê standin û nameyên ku ji Rêberê PKK'ê Abdullah Ocalan re tînin rêkîrin jî ji aliyê rayedarên girtîgehê ve tînin desteser kirin. Girtiyên diyar kir ku rayedarên girtîgehê gelek mafên wan ji destê wan girtiyê û xwest sazîyên mafên mirovan li hemberî vê yekê bikevin nava hewldanan.

### Em nikarin mafên xwe bixwazin

Girtiyên doza PKK'ê yê li Girtîgeha Tîpa E ya Meletiyê, ji bo balê bikişînin ser bînpêkirina mafan ji rêveberên ÎHD'ê re name şandin. Li ser navê girtiyên Omer Hayrî Konar nameyek şand û diyar kir ku hemû mafên wan tîne bînpêkirin û dema mafê xwe dixwazin rastî cezayê antî-demokratîk tînin.

### Ceza li me dibarînin

Konar, da zanin ku rayedarên girtîgehê daxwazên wan pêk nayînin û li

hemberî daxwazan ceza dibarînin. Konar, wiha got: "Dema em mafê xwe dixwazin rastî cezayê disîplîne tînin. Herî dawî ji bo em piştigiriyê bidin greva birçîbûnê girtiyên Girtîgeha Tîpa H ya Erziromê di 27'ê adarê de em 3 rojan ketin

grewa birçîbûnê. Ji ber vê çalakiyê 3 meh cezayê qedexeya mafên civakî, 4 mehan cezayê hevdiîna vekirî li me hate birîn" Konar, bang li sazîyên mafên mirovan kir û xwest li hemberî vê yekê bêdeng nemînin. MELETÎ - DÎHA



## Li Elkê cerdevan zext li 'cerdevanan' dikin

Hate ragihandin ku li navçeya Elkê ya Şîrxê cerdevanên di hîlbijartina herêmî de dengê xwe dan DTP'ê, rastî gefên cerdevanên dengê xwe dane AKP'ê û leşkeran tînin. Cerdevanên ku rêdikin herêmên dîr ên operasyonê, dan zanin diîrsin bînpêkirin û idia kirin ku li ser talîmata sercerdevan Reşîr Durmuş rastî gefan tînin.

Li navçeya Elkê bi hinceta ku di hîlbijartina herêmî ya 29'ê adarê de dengê xwe ji bo DTP'ê bi kar anîne cerdevanan her tim dibin operasyonan. Her wiha cerdevanên ku rastî pêkûtiya leşkeran û cerdevanên dengê xwe dane AKP'ê tînin, dan zanin êdî ji vî karî aciz bûne. Cerdevanekî nexwest navê wî bê zanin, diyar kir ku di hîlbijartina 29'ê adarê de piştî ku

DTP'ê li navçeyê bi ferqeke mezin qezenc kir her tim rastî pêkûtiyan tînin.

### Em nobedarê gundê xwe ne

Cerdevanan dan zanin ku ew ji bo parastina gundê xwe hatine peywirdarkirin, lê niha ji bo nobetê wan rêdikin cihên gelekî dîr. Cerdevan, derbiri ku ji bo ewlekariyê alikariyê didin leşkeran, lê rastî pêkûtiya leşkeran tînin û derbiri ku divê mirov li gorî tercîhên xwe yê siyasî neyên nixandî. Cerdevan da zanin wekî peywirdarekî dewletê ji aliyê dewletê tê mexdûrkirin û xwest ev yek zûtîrîn demê bi dawî bibe. Cerdevan, derbiri ku cerdevanên AKP'î wekî ku PKK'yî ne nêzîkî wan dibin û ew wan bi darê

## Amed ji bo windayan rûnişt

Ji bo hefteya windayan di pêşengiya Şaxa ÎHD ya Amedê de bi sedan xizmen windayan li Parka Koşuyoluya Amedê di bin konên ku ji bo wan hatin vekirin de çalakiya rûniştinê dan destpêkirin. Çalakiya sibe dest pê kir heta êvarê dom kir. Di çalakiyê de xwestin ku hemû kesên der barê windahiyan de berpirs in hesab ji wan bê pirs in û bînin darizandin.

Ji bo hefteya windayan Şaxa ÎHD'ê ya Amedê, Platforma Şaxan ya KESK'ê û MEYA-DER ligel malbatên windayan li ber abideya Mafên Jiyana ya li Parka Koşuyoluyê dest bi çalakiya rûniştinê kirin û daxuyanî dan çapemeniyê. Serokê DTP'ê Amedê Ali Şimşek, Sekreterê Giştî yê KESK'ê Emîralî Şimşek, Nûnerê ÎHD'ê yê herêmê Ali Akinci, Sekreterê Perwerdeyê Mehmet Bozgeyik jî piştigirî dan çalakiyê û tê de cih girtin. Di çalakiyê de wêneyên windayan hatin bilindkirin û dirûma "Kiryar bînin girtin, Windayî bînin dîtin" hat çîrîn. Sekreterê Şaxa ÎHD'ê ya Amedê Burhan Zoroglu li ser windayan daxuyanî da. Di daxuyanîyê de diyar kir ku roja 17 û 31'ê gulanê wek Heftaya Windayan Navneteweyî hatîye destnîşankirin. Zoroglu diyar kir ku ji bo aştiya civakî pêk bê dîtin windayan, hesabpîrsîna ji kiryanan girîng e. Hat gotin kes nikare kujerên windayan efû bike ji bilî mexdûran. Zoroglu û gelek beşdarên din jî diyar kirin ku li her deverên cihanê hin rêxistinên faşîst ên nav dewletê de cih girtine sîcê kirine. Lê di nav demê de her ku dewlet demokratîk bûne hesap hatîye pîrsîn û aştiya civakî pêk hatîye. Hat xwestin ku li Tirkiyeyê jî ev prosedur pêk bê. AMED - DÎHA

## Li Eruhê şer 2 rojan dewan kir

ERUH

Li navçeya Eruhê ya Sêrtê di navbera gerîla û leşkeran de şer derket û bi kêmanî du roj dom kir. Li gorî agahiyan ku hatin bidestxistin be-tîrêr saet di 13.00'an de li herêma Çiyayê Yasi şer qewimî. Di vî şerî de cerdevanekî jiyana xwe ji dest da. Her wiha 2 jê leşker û 2 jî cerdevan bi giştî 4 kes jî birîndar bûn. Li gorî angaştê Waliyê Sêrtê jî 7 gerilayan jiyana xwe ji dest dane. Dema Walî daxuyanî dida li herêma mijara gotinê şer didomîya.

## Cerdevanê har hate kuştin

URMIYE

Li Urmiyeya Rojhilatê Kurdistanê cerdevanek ku destê wî di xwîna gerîla de bû ji aliyê Partiya Jiyana Azad a Kurdistanê ve hat kuştin. Li gorî agahiyan ku hatin bidestxistin li Herêma Biradosta Urmiyeyê sercerdevanê bi navê Nuredîn ku di nava gel de wek Nêro Gengeçin tê nasîn hem li hember gerilayan û hem jî li hember gel çavsoyî dikir û ligel leşkerên Îranê cih digirt, hat kuştin. Di nav vê hefteyê de 13 cerdevanê din jî li Urmiyê hatibûn kuştin. Her wiha cerdevan Misto Beg jî bi giranî birîndar bû û hê jî ji rewşa xeter rizgar nebûye û li Tehranê di nexweşxaneyê de ye.

## Polîsên Sûriyeyê cenaze revand

EFRÎN

Di meha nîsanê de li çoltera Dêrsimê di nav leşker û gerîla de şer qewimî û di encama vî şerî de gerilayê bi navê Şiyar Efrîn (Cuma Şêx) jiyana xwe ji dest da. Dema malbata gerîla cenaze bir Sûriyeyê polîsê Sûriyeyê cenaze revand. Baskê Koma Civakên Kurdistanê ya başûrojavayê Kurdistanê diyar kir ku roja 11'ê gulanê cenaze ji Dêrsimê ji aliyê malbata wî ve hat girtin û roja 12'yê gulanê saet di 03:00 de hat Efrînê û ji aliyê gel ve hat pêşwazîkirin. Lê polîsên Halep û Efrînê destûr nedan gel nêzî cenaze bibe û bi hinceta ku de otopsî bikin dest dan ser cenaze û birin. Polîs ji bo ku cenaze bide wan şerta nekîrîna merasimê li wan ferz kir.

## Li çoltera Licê operasyona mezin

AMED

Operasyonên Artêşa Tirk li gelek deveran bê navber didomin. Hate ragihandin ku li çoltera Naveya Licê ya Amedê operasyona leşkerî hatîye destpêkirin. Li gorî agahiyan ji aliyê çavkaniyên herêmî ve hatine dayîn, li herêma Şehîr Remzî û Gundê Çemê Elik a li Qada Apê Musa ya Navçeya Licê duh bi tevlîbûna gelek leşkeran operasyon hatîye destpêkirin. Operasyon hîn jî didome. Hate ragihandin ku bi helikopteran leşker û muhîmmata leşkerî sewqî herêma operasyonê dibe. Wekî zanin beriya du hefteyan leşkerên ku derketibûn operasyonê pêli mayîne kiribûn û 9 jî wan jiyana xwe ji dest dabûn.

### Naxwazî bîçin operasyonan

Cerdevanekî din jî destnîşan kir ku li gorî pêvanan divê tenê li dora gundê xwe nobetê bigirin û wiha axivî: "Piştî hîlbijartina herêmî her tim me dibin operasyonan. Em naxwazî tevî operasyonan bibin. Wekî cerdevanan em rastî pêkûtiya cerdevanan tînin. Bi salan e em cerdevaniyê dikin. Ji ber ku me îsal dengê xwe da DTP'ê pêkûtiyan li me dikin."

### 15 cerdevanan çek danî

Cerdevan, destnîşan kir ku meha borî jî ber pêkûtiyên tînin meşandin 15 cerdevanan çek danîne û daxuyand ku niha bi sedan cerdevan dixwazin çekê deynin. Cerdevan, anî ziman ku ji ber pêkûtiya leşkeran çekên xwe danayînin û diyar kir ku êdî ji cerdevaniyê aciz bûne. ŞIRNEX - DÎHA

## Ji 54 saziyên sivil ji bo hikûmetê banga aştîyê

Nûnerên rêxistinên 54 saziyên sivil li Amedê hatin cem hev û bangî hikûmetê kir ku ji bo rewşa bêpevcûnê bidome gavan biavêje.

Şaxa Sendikaya Kedkarên Gelemperî yê Maden, Sanayî û Enerjiyê (ESM) ya Amedê ji bo çareseriyê pirsgrêka kurd li Amedê bi 54 saziyên demokratîk deklarasyonê hevbeş amade kir û li Cemiyeta Rojnamegeran bi raya giştî re parve kir.

Serokê Şaxa ESM'ê ya Amedê Yakup Keskîn rewşa bêpevcûnê ji bo aştîya li Tirkîyeyê hêviyek e û wiha got: "Geşedanên piştî hilbijartinê, êriş û operasyonên li hemberî îradeya gelê kurd darbe li hêviya aştîyê xist. Ligel van geşedanên rewşa bêpevcûnê heta 1'ê heziranê ji bo aştîyê şansê c."

Keskîn, weke nûnerên rêxistinên demokratîk nêrînen xwe yê ji bo aştîyê wiha gotin: "Şansê c ji bo aştîyê bê dayîn û rewşa bêpevcûnê bidome

em daxwaz dikin ku hikûmet gawekê biavêje. Her wiha ji bo piştî 1'ê heziranê rewşa bêpevcûnê mayînde bibe gawên demokratîk bêne avêtin û di bin banê Makeqanûnê de bê misogerkirin em daxwaz dikin ku li TBMM'ê xebat bêne meşandin." Keskîn, diyar kir ku li hemberî astengiyên li pêşîya aştîyê dê bêdeng nemînin û di vê pêvajoyê de piştigiriyê bidin hewlndanên aştîyê. AMED



Teşîrês

Mizgin Bingol

bingolmizgin@gmail.com

## Kurd ji zimanê xwe hez nakin

Asimilasyona tirk an jî otoasimilasyona kurdan bi xwe, qedexebûna zimanê kurdî, mirov dikare belkî sedemên sereke yê ku çima kurd bi kurdî napeyivin rêz bike, lê têkoşîna ku kurd bo azadiya neteweya xwe didin heman hesasiyete jî bo zimanê xwe nîşan nadin. Her ku destpêka medya bi kurdî pêşketinek hebe jî taybetî di nava kurdên Bakur de zimanê serdest tirkî ye.

Kurdan modernîzm bi tirkî nas kirine/nas dikin. Tevgerên kurd yê ku salên hefte derketine holê hemû di bin tesîra tirkîyê de mane. Rêzîkname bi tirkî ye, axaftina siyasî bi tirkî ye.

Li cihanê dema bayê salên 68 li ba bû, rewşenbîrên cihanê wekhevîya civakê, mafên gelan xwestin yê li Tirkîyeyê orjîna Mustafa Kemal Atatürk 'yek millet yek dewlet' jî xwe re esas werdigirtin. Qîstasa rewşenbîrên tirkî ew bû, axaftina tirkîyê xweşik û daxwazên wan jî bo kurdan jî 'zarok çiqas biçin dibistanan tirkî fêr bibin, rojnameyên tirkî bixwinin, dayîk çiqas baş fêrî tirkî bin ewqas baş miqayîti zarokên xwe dibin'.

Di vî warî de divê em şûnê di xwe re, derziyê di yekî din re bikin. Gelek caran gava mirov jî gel dipirse ku ew çima bi kurdî napeyive; 'dibe ez kurdî dizanim lê nikarim xwe pê ifade bikim'. Gel di dibêje dikarim biaxivim lê yê di saziyên kurdan de kar dikin gelek jî wan nikarim biaxivin jî. Zimanê rojane yê saziyên me bi inyard bi tirkî ye.

Gelek siyasatmedarên me tabelayên 'bi kurdî bixwîne, bi kurdî bipeyive, bi kurdî bifirîre li odeyên xwe dixin' lê bi zarokên xwe re bi tirkî dipeyivin, zimanê rojane yê wan tirkî ye. Ez di vir de naxwazim neheqiyê li Osman Baydemir bikim. Kurdîaxaftin Baydemir jî malbata xwe dest pê kiriyê. Tiştê bala min pir dikîşîne, em weke nivîskarên kurd rexneyên çûş tuj li siyasatmedarên kurd bikin jî bi mebesta xwe-parastinê be jî li hember me dermakin. Nêrîn, zîrektî, hişyarbûna nivîskarên kurd weke zimanê wî/wê sêwî ye. Li gelek deverên cihanê rojnameyên herêmi rojane 40 hezarî difiroşin lê tê gotin 20 milyon kurd bi tenê li Bakur dijîn Azadiya Welat 20 hezar jî nayê firotin.

Kurdên Bakur bidin aliyekî kurdên Başûr bi stranên meqam tirkî peyv kurdî mala xwe xirab dikin. Bûkan bi strana stranbêj Ceylanê 'Urfali Zeyno' jî malên bavan derdixînin.

### Cejna zimanê kurdî

Ji bo ku mijara giring; heger zimanekî geleki tunebe ew gel weke netewe nayê hesabandin di hemû hewlndan pir baş in lê li gori min jî bo kurdan ne cejna zimanê kurdî ye, hawara zimanê kurdî ye. Ji ber kesek bi zimanê xwe diaxive divê neyê pirozkirin. Ziman bi siparişan jî nayê axaftin divê hezkirina ziman bi kesan bi xwe hebin. Pirsgrêka kurdan jî ya ziman zêdetir ya meji heye. Ez li derdora xwe dibînim jî bo ku zimanê swêdî fêr bibin hinek kes bi şev bi roj dixebitin lê gava bi me re kelîmeyeke kurdî diaxive çawa çeyî bi me kiribe tevdiagerin, ew li benda aferînekê ne.

Li gori min rojekê lezgîntir divê em jî bo ziman di nava xwe de têkoşin bikin, piştî li hember desthilatdaran derkevin:

- ✓ Biryara Tevgera Azadîxwaz a Gelê kurd, ku dibêje civin û azafîna saziyên kurdan bi kurdî di saziyên kurdan de pêk werin bi lezgin bê cih.
- ✓ TZPKurdî bi quwetir be.
- ✓ Alikariya Enstutiyên kurdî ya aborî bê kirin û bi riya wan lêkolînên akademîk bê kirin.
- ✓ Rojnameyên kurdan ne çend rûpel bi kurdî bin berovajî zimanê serdest kurdî be û di nav de çend rûpel tirkî bin.
- ✓ Alikariya Azadiya Welat bi her awayî bê kirin û kurd fêrî, nêrîn, tevger û rojnamevaniya kurdî bibin.
- ✓ Ji bo standartbûna ziman, konferansên berfireh ku jî her çar parçeyên Kurdistanê zimanzan di nav de cih digirin bê çêkirin û komîsyonên 'zimanekî standard' bê avakirin.
- ✓ Mirov dikare wan xalên jorin zêdetir bike lê bi kurtasi û kurdî, heta otokontrola bo zimanê kurdî çênebe, sifir tolerans bo kurdên ku bi tirkî dipeyivin pêş nekeve, dê zimanê kurdî her binale.

## Ji Sarmaşîkê gaveke dîrokî

### TUYAB: Bila DTP'iyên girtî bîn berdan

Yekîtîya Xizmên Girtî û Hukûmwanan (TUYAB), diyar kir ku bi operasyona li dijî DTP'ê tê xwestin kurdan çavtirsandî bikin û xwest DTP'iyên girtî bîn berdan.

TUYAB'ê têkildarî operasyona li dijî DTP'ê daxuyanîyek nivîskî da. Di daxuyanîyê de hate destnîşankirin ku kurdan di hilbijartina herêmi ya 29'ê adarê de di şexsê AKP'ê de dewlet xistiye nava hezîmetek mezin û wiha hate gotin: "Piştî hilbijartinê li gelek bajarên di heman demê de li dijî DTP'ê operasyon hate destpêkirin. Bi van girtin û binçavkirinan dixwazin çavê gelê kurd bitirsînin." Di daxuyanîyê de hate bibîrxistin ku di encama operasyona li hemberî DTP'ê de zêtirî 50 kesan hatine girtin û wiha hate dom kirin: "Ev êriş ne tenê li hemberî DTP'ê, li hemberî hemû gelên bindest, karker û kedkaran pêk hatiye. Politikayên înkâr û tunekirinê yê li dijî gelê kurd, li derve bi girtin û binçavkirinê didome, li girtûgehan jî bi qedexeya kurdî û cezayên dîsîplînê tê maşandin. Em politikayên dewletê yê nîjadperest ên li dijî DTP'ê û kurdan şermezar dikin. Divê kesên hatine girtin zûtirî demê bîn berdan." STENBOL - DÎHA

### Li Wanê banga ji bo mîtînga DTP'ê hat kirin

Li Wanê di 23'yê gulana de mîtînga 'Ne DTP'ê çekan bêdeng bike, bersivê bide bêpevcûnê' dê bê lidarxistin.

Ji bo mîtîngê li avahiya DTP'ê ya Wanê civînek hate lidarxistin. Serokê Komîteya Amadekar a Mîtîngê Ramazan Kamaç, diyar kir ku dê bi deh hezaran mîtînga herêmi li dar bixin. Kamaç, da zanin ku li hemberî bêtehemuliyê li hemberî DTP'ê dê bi awayekî demokratîk nerazîbûnên xwe binin ziman. Kamaç, bilêv kir ku dê kes jî bajarên herêmi jî ji bo mîtîngê bîn. Mîtîng li Parka Çandê saet di 11:00'an bi beşdariya Hevserokê DTP'ê Ahmet Turk, rêveberên navenda giştî, parlamenter, şaredar, nûnerên rêxistinên saziyên sivil û gelek hunermend dê beşdar bibin. Kamaç, ji bo mîtîngê bangî gelê Wanê kir ku bi coş tevli mîtîngê bibin. WAN

Komeleya Sarmaşîkê li Tirkîyeyê gaveke dîrokî avêt. Li Tirkîyeyê cara yekemîn e, komeleyek hejmara alikariyê bi awayekî rêk û pek dide malbatên xizan gihandiye 2 hezar û 100 malbatî

I AMBER CEYLAN - AMED / DÎHA

Komeleya Pêşveçûna Mayînde û Têkoşîna bi Xizaniyê re Sarmaşîkê ku bi armanca alikariya malbatên xizan li Amedê hatiye avakirin, bi rêk û pêk mehê alikariya xwarinê dide hezar û 160 malbatî. Her wiha li Tirkîyeyê cara yekemîn e tiştêkî wiha pêk hatiye û komeleyê ev hejmar derxist 2 hezar û 100 malbatî.

Komeleya Sarmaşîkê, alikariya ku ji bo Amedê tê berhevkerin bi awayekî wekhev û edaletî dide malbatên xizan. Komele bi vî piştigiriyê xwe bawerîya gel qezenc dîke. Komele bi armanca ku piştigiriyê bidin malbatên xizan Bankaya Xurek a Sarmaşîkê vekirin û her meh bi awayekî rêk û pêk xurekê li malbatên xizan belav dikin. Serokatiya wê Şaredarê Bajare Mezin yê Amedê Osman Baydemir dîke û heta niha her meh bi rêk û pêk hezar û 160 malbat jê alikariyê digire. Her wiha ev hejmar derxistin 2 hezar û 100 malbatî. Li Tirkîyeyê cara yekemîn e alikariyek wisa ji bo xizanan tê kirin.

Hedef 4 hezar û 500 malbat e

Der barê alikariya ku tê belavkerin de Sekreterê Giştî yê Komeleya Sar-

maşîkê Şerîf Camci, destnîşan kir ku wan dest pê kirine ku dê mehê carê alikariya xurekê bidin 2 hezar û 100 malbatî. Camci anî ziman ku hedefa wan ew e ku vî hejmarê derxistin 4 hezar û 500 malbatî. Camci wiha dirêjî da axaftina xwe: "Hedefa me bi giştî malbatên ku bi koçberiyê rû bi rû mane. Niha Sarmaşîk bi 5 projeyên cuda der barê van malbatan de xebatan dimeşînin. Em van 5 projeyan wekî komset, piştigiriyê civakî û sivil bi nav dikin. Bi taybetî ev proje bi xebateke hevkar yê rêxistinên civakî sivil, rêveberiyên herêmi û gel re tê meşandin. Bi vî awayî em hewl didin ku modela xebateke xweşik ava dikin. Em bi vî xebata xwe feraseta alikariya Tirkîyeyê jî didarizînin. Em bi modela xebateke xweşik alikariya ji bo malbatên xizan didomînin.

'Em li Tirkîyeyê bûn model'

Camci da zanin ku tenê ji bo dan û standîne ne ji bo ku pirsgrêkên wan çareser bikin jî xebatan dimeşînin û wiha pê de çû: "Mînak di nava van malbatan de 130 jin dê zarokê wan çêbibin. Em bi projeya xwe ya 'Tendurîstiyê' alikariyê didin jinên duçanî.



Der barê vî mijarê de em li taxan hem perwerdehiyê didin û hem jî amûrên tendurîstiyê temîn dikin. Em hewl didin ku vî modelê jî li Tirkîyeyê belav bikin. Mînak şaredariya Silivri ya Stenbolê, şaredariya Bayrakliya İzmirê û her wiha ji Kutahya û Konyayê jî xwestin ku ev model bigihêje bajarên wan. Vê yekê em gelek kêfxweş kirin."

## 'Ne DTP'ê çekan bêdeng bikin'

I NAVENDA NÜÇEYAN - AMED

Bi armanca şermezarkirina operasyona li dijî DTP'ê ku di encamê de 3 cigirên hevserok û 53 kes hatin girtin li Erzincan, navçeyên Amedê, li Sêrtê û navçeya wê Mîsircê, Denizli û Enqereyê çalakiyên greva birçîbûnê dest pê kirin.

ERZINCAN: DTP'a Erzincanê bi armanca şermezarkirina operasyona li dijî DTP'ê greva birçîbûnê ya 2 rojan da destpêkirin. Serokê DTP'a Erzincanê Huseyin Bektaşoğlu, diyar kir ku ji ber Hikûmeta AKP'ê encama hilbijartina herêmi hezîm nekiriye ev operasyon pêş xistiye. Bektaşoğlu, pêkutiyên li dijî partiya xwe şermezar kir. Grewa birçîbûnê bi stran û govendê dest pê kir.

AMED: Li navçeyên Amedê yê weke Darahênê, Farqîn, Erxenî, Pîran, Bismil û Licê greva birçî-

bûnê ya du rojan dest pê kir. Şaredar, rêveberên DTP'ê yê navçeyan û nûnerên saziyên sivil beşdarî greva birçîbûnê bûn. Di axaftinê li grevên birçîbûnê de operasyonên der barê DTP'ê de hatin şermezarkirin û hate xwestin DTP'iyên hatine girtin serbest bêne berdan.

DENİZLİ: Rêxistina DTP'ê ya Denizliyê, bi armanca şermezarkirina operasyona li dijî DTP'ê greva birçîbûnê ya 2 rojan da destpêkirin. Li avahiya rêxistina DTP'ê pankarta "DTP'ê bêdeng neke, çekan bêdeng bike", hate vekirin û dovizên ji bo daxwazên demokrasiyê hatin daliqandin. Serokê Rêxistina DTP'ê ya Bajêr Şenol Şen ku berî greva birçîbûnê daxuyanî da çapemeniyê, anî ziman ku operasyon li hemberî DTP'ê israra ji bo neçariya pirsgrêka kurd e û wiha got: "Hikûmeta

AKP'ê û pergala navendî bi vî şiklî hewl dide têkoşîna DTP'ê ya ji bo azadî û aştîyê têk bibe."

SÊRT: Li navçeya Sêrtê ya Mîsircê jî greva birçîbûnê ya du rojan dest pê kir. Grewa birçîbûnê dê îro bi daxuyanîyêkê bi dawî bibe. Her wiha pê bi şev çalakiya nobetê li Şaxa İHD'ê ya Sêrtê pêk hat. Yekhevên Platforma Demokrasiyê ya Sêrtê, rêveberên sendikayan jî di nav de gelek kes beşdar bûn. Serokê Şaxa Tum Bel-Senê û Berdevkê Platforma Demokrasiyê ya Sêrtê Ferît Epozdemir, diyar kir ku di demek pirsgrêka Tirkîyeyê ya herî girîng pirsgrêka kurdî tê niqaşkirin de wateyê mezin didin pêşketinê erênî. Epozdemir, destnîşan kir ku ji aliyekî ve ji bo çareseriyê pirsgrêka kurd gawên avêtin, lê jî aliyê din ve jî pêşketinê neyên yê tenê jiyîn bi fikir dişopînin.

ENQERE: DTP'a Enqereyê jî bo protestokirina operasyonên li ser partiya xwe li avahiya DTP'ê ya Enqereyê greva birçîbûnê ya 2 rojan dest pê kir. Rêveberên DTP'ê bajêr û navçeyan û hin nûnerê saziyên sivil jî beşdarî greva birçîbûnê bûn. Serokê DTP'ê bajêr İsmail Ancî li ser navê çalakgeran axivî. Ancî, got ku demokrasiya AKP'ê dema mijar dibe kurd xwedî karaktereke durî ye. Ancî, da zanin ku divê êrişên li hemberî partiyan wan bîn rawestandin û hevalên wan ên hatine girtin jî derhal serbest bêne berdan. Ancî, diyar kir ku berevajî vî dê bi dehhezaran, sedhezaran, milyonan mirov dakevin kolanan.



BISMIL



# Aciacax û ax!

FATMA OZBAY

**B**i şemîtina lingê xwe veciniqî. Bîr nebîribû ku koncalek heye li vê derê. Ax û giyayê ku bi nedaviyê (çiy) şil bûbû, bêtîr şemîtok bûbû. Destê xwe da ser çonga xwe û hêza xwe kir. Dema şemîtandinê çonga wî li kevirên binê koncalê ketibû. Pîncya ser şalwarê wî ya pizîrî ku bi xwe jî pizîrî bû ji hev çûbû. Çonga wî şeqitîbû.

Bi çavên matmayî li derdora xwe nêrî. Siya xemeke derman nebûyî kete nava perda dilê wî. Êşa çonga wî li aliyekî ma, şewata birinê jî bîr kir. Xwe jî bîr kiribû. Sedema nedîtîne mezinbûna gihayê nîn bû, jîbîrkirina koncalê bû. Di xeyalên xwe de, heta di xewnên xwe de bihost bihost li van deran geriyabû. Her kevîr, her dûmen neqîşîbû hişmendîya wî. Bawer nedikir ku wê rojekê şopa van deran jî bîr bike, lê belê ev jî bîr kiribû.

Bi giranî destê xwe avête parçeyek axa sewadar. Axê danî ser çonga xwe ya birîndar. Ji çûkaniya xwe vir de wisa hîn bûbû. Kengî dereke wî bi birin bûbûya piçek axa hûr dirêşande ser, da ku xwîna birinê bisekinîne û bikewîne.

Piştî ku ji koncalê derket, boxçîka xwe ya ku li piştê xwe girêdabû palmûkand. Ev jî hînbûyînek bû. Hin di zarokatiya xwe de dema diçû zozanan ber berxikan, boxçîka nanê xwe ye ku dayika wî amade dikir li hev dipêça û li piştê xwe girêdida.

Bi pêçiyên hînbûyî girêka boxçîkê vekir. Ji nû ve pêça û li piştê xwe girêda. Berê xwe da rojhilat û meşa xwe domand. Girê mezin jî wekî hînbuyînekê li cihê xwe bû. Roj jî lûtkeya ser hêdî hêdî bilind dibû. Tîrêjên wê ber bi qûntarê ve diherikîn. Deşt hin di bin siya sibehê de bû. Serê xwe bilind kir û kesereke kûr kişand. Hilmeke kewgirî kete rûyê wî. Destê xwê ye bi ax li ser rûyê xwe gerand. Tevlî hilma sersiya sibehê behna axê û gihayê kûr kûr kişande nava xwe. Ax, giha, sersî, û gir wekî kovanek laşê wî û giyana wî pêçandin. Bi nêrinên xwe noqî lûtkeya gir bû. Bi biruyên cotbûyî li erdê nêrî. Bi hestekî tayî tevlî kovanê bû. Libên axê nava rûyê xwe ye spî de mist da.

Zozan li dûr mabûn, zarokatiya li ser wê axê jî. Lê îro biranîn jî qedexê bûbûn. Kesereke din ku ji hênika hiya sibehê germtir bû ji hinava dilê xwe kişand. Nexwe dîrketîne jî mezin dikir kovan; eşên kombûyî jî, berhevûyî jî... Herhal di zarokatiya wê de jî ax jî hînbuyînekê zêdetir ne

tiştekan bû, li ser vê axê serpêhatiyên bav û kalan weke çirokan bûn. Lê îro wekî mecnûnekî bi dilekî bengî û qaçax li van deran digeriya.

Çavên xwe yên ku bi van hestan tijî bûbûn bi destê xwe ye bi ax paqij kir û ber bi qûntara gir ve meşiya. Her kevîrek biranînek vedigot. Her qewdekê giha demsaleke nejiyayî dianî bîra wê. Tam heft salan bihara vê axê nedîtîbû. Heft demsal bûbûn wek kovanên berhevûyî. Gelo kî, kîjan giyanewer kîjan dar û daristan xwe radigirt, dijiya wisa dûrî koka xwe, dûrî warê xwe? Bilbil anî bîra xwe, ku warê xwe neguhertîbû bi qefesa zêrin, bi tu tiştan. Loma wekî bengiyar wekî mecnûnan berê xwe dabû van çol û keviran.

Ev cara sisyan bû ku di hate serdana biranînan. Wekî eşqiyatiyêke bênav wekî dildarekî ku evîndara xwe windakirî digeriya li van deran. Difikirî, jî xwe dipirsî car caran; gelo li van deran li çi digeriya? Li bersiva xwe jî digeriya. Li çi nedigeriya ku! Wateya xwe li derve hiştîbû. Qey jîyanek bê temen û bê wate hebû? Bajar hebûn, warên dîr hebûn, mirov lê dijîn; lê ne yên wî bûn. Li piştî wî gundî goristana gund hebû. Çirokên ku dayika wî vedigotin, kalikê wî ye ku bi ebaya xwe ya qemer li hespê xwe ye seg-lawî siwar dibû li wê derê bûn. Li binyata gir di nava zinaran de şikefta Hemo hebû. Serpêhatiya wî jî kalikê xwe guhdarî kiribû. Pişkekarek ermenî bû. Ji aliyê cîranê xwe ye kurd ku ji hev re digotin kirîv hatibû kuştin. Êşa Hemo jî li wê derê bû. Ne di hate hilgirtin û ne jî diçû cihêkî din. Li wê derê çi dikir? Li wê derê çi digeriya? Carinan li hemberî gund bi saetan rûdinişt, û bi çavên xombûyî li dimena xopana gund dimêzand. Carinan li derdora gund çerx dibû, rûdinişt, xwe dirêj kir, li ezman dinêrî.

Bê vê axê, bê vî gihayî, bê vî girê bilind gelo kî dikaribû wî fêhm bikira. Dema ku bavê wî bihist diçe gund, tîrsiya, aciz bû. Nexwest ku ew biçe gund, qada qedexê. Xwest ku ew jî wekî kulîlkên camekanan jî koka xwe dîr bikeve û hînî vê rewşê bibe. Nexwest ne zilm û zorî, tîrsê vê qadê kiribû xopan. Jixwe ji biyanîbûnê jî fêhm nedikir. Hemû dîr ketîbûn, jê re bûbûn biyan. Dema dît ku ji fikar û gazincan xelas nabe, soz da, got ew qada qedexê gerdenaza bibe jî de neçe wan deran. Lê jî çend hefta zêdetir xwe ranegirt. Dema demsal ber bi biharê ve herikî carekê din kete rîya gund.

Êdî jî qûntara gir xopana gund xuya dikir. Ev gund di hestên wî de her tim dişewitî. Alavê

venemirî û qîrîna jin û zarokan her tim li ber çavên wî bûn.

Roj ber bi nivro de diçû. Sersiya sibehê zûda ve belav bibû. Nexwest wê demê bikeve nava gund. Nexwest wekî rêwiyekî demborî, ne jî wekî mazûbanekî asayî ji nav derbas bibe. Pejna asayîbûnê wekî gunehêkî bû. Giha heta çongan bejn avêtîbû. Erg û mişarên xerabûyî jî giha û dirîşkan nedihatî xuyan. Zê rîya herikîna xwe winda kiribû. Bi xemgîni li dirîşk û serberdayibûna gihê nêrî. Jê re wisa hat ku her tişt, zê, dirîşkan, giha, axê li hember xwezayê serî rakirine. Her tişt rewşa xopan wekî wî diji û wekî wî dihesîne. Li derdora xwe nêrî, li cihêkî bêsitirî û guncav rûnişt... Boxçîka xwe vekir û li pêşiya xwe raxist. Niv nanê tenîrê û parçeyek penêrê sirik danî ber xwe. Rabû bi gavên giran çû ber Zê. Li ser kevîrekî rûnişt. Xwe giran û westandî hest kir. Kêliyekî bêliv sekinî, çave xwe girt û xweza guhdarî kir. Dengê herikîna avê, hejîna gihayê, di bêdengiya nivro de tevlî dengê pîrîna kêzik û pinpinikan dibû. Li xwe û xwezayê guhdarî kir.

Hêdî hêdî û bi giranî dest û rûyê xwe şuşt. Bi herdû kulmên xwe ji ava Zê, ku kevîrên binî jî zelaliya wê xuya dikirin, vexwar. Piştê hêdî hêdî vegeyîra ber bergeşa xwe, rûnişt. Nan û penêrê xwe ye sirik xwar. Ji ber ku piraniya diranên wî tunebûn hêdî hêdî dixwar. Roj li nivro qulibûbû. Bergeşa xwe pêça, li aliyekî danî. Pêlavên xwe wekî balgiyekî danî kêleka xwe. Xwe dirêj kir, sere xwe danî ser pêlavên xwe. Lûtkeya gir hêdî hêdî dikete nav sersiyê. Bayekî hênîk û tenik gihê li bin guhê hev dixist, bi aheng dihejiyan.

Dengê ava Zê wekî rîyekî bê dawî tevlî keliyê dibû. Serê xwe rakir, li ezmana kûr û dîr nêrî. Komên ewrên biharê wekî komên berfê li ezman diliviyên. Wekî ku li ser cemedê bin diherikîn. Bê hay kenekî melûlî ser lêv û rûyê wî danî. Zarokatiya wî kete bîra wî. Berxik li mêrga Colemêrgê belav dibûn. Zarok di nav çayîr de direviyan, dike niyan di nav gihê de hevdu digindirandin. Piştê beyî ku bifikirin berxikên wan ku de diçin, xwe li ser giha li ser piştê dirêj dikirin. Çavên wan li ewrên berfînî bûn. Dikeniyar û nişane hev didan.

- Ew ewrê han ye min e. Wekî hiriya berxikan e
- Na! ye min xweşiktir e. Wekî loda berfê ye.

Xwezika ez li ser wî rûniştama. Ez li ser bim ez ê ser rûnê û lingê xwe helkim.

- Ez li ser bim, ez ê jî jor de li we binêrim.

Destê xwe ji we re bihejînim. Mirov li ser ewr be, mirovên erdê hûrik xuya dikin.

Li jêr nihêrtin. Dêşt bêdawî dirêj dibû. Bi çavên xwe beyî ku li astengiyekê bikevin, di nav deştê de diherikîn.

Axa biharê bi liva zayînê navmîla wî germ kiribû. Wekî ku ji zarokêkî hez bike destê xwe li ser axê bir û anî. Bi kulma xwe axê rakir anî ber rûyê xwe, têr behn kir. Weka tejiyekê ji nava piştê wî kişiya û kesera xwe bi nav kir:

“Aaaax û ax!”

Roj bi bêdengî diherikîn. Ba û barana biharê bêxem, bi sersarî li nav gihayan diqulibûn. Lê wekî payîzêke pejiirî tu şop neçûn wan deran. Piştî heft rojan şivanekî ku destûmamê girtibû, tevlî keriyê xwe kete qada qedexê. Piştî ku pezê xwe çêrand, xwest pez bibe ser avê, av bide pez. Dema ber bi çayîrê ve hat, çave wî jî dîr de li reşahiye ket. Got qey sewalek li wê derê diçêre. Lê dît ku ew reşahî nalive. Ji xwe re got: “nexwe kevîr e, lê naşibe kevîran jî.” Dema têr nêzik bû, dît ku mirovekî xwe di nav çayîr de dirêj kiriye. Xwe hinek din nêz kir. Hinek tîrsiya. Cara yekem bû ku dihat qada qedexê, nedixwest sere wî bikeve belayê. Destê xwe avê destûrnameya bêrika xwe û hêdî hêdî ber bi kesê dirêjbûyî ve meşiya.

Pezê ku çave wî li avê ketibû, bi henge berjêrî ser avê bûbû. Dengê zengil û merina pez nava hev diket. Lê mirovê dirêjbûyî qet nediliviya. Dema ku şivan nêzik bû, dît ku mirovekî kal e, li ser axê razaye. Pêlava xwe daniye ber sere xwe. Şivan bi hesteke fedîkar sere xwe ji tîrs û qisaweta xwe re hejand, du sê gavên din avêt û bi dengêkî nerm gazî kir:

- Xalo, selamun aleykum.
- Deng ji mirovê dirêjbûyî demeket û neliviya.
- Şivan dubare kir:
- Dem xweş be Hecî! Mêze dikim tu li ber hênika hiya biharê gelekî kûr raketi yî.
- Dişa deng nekir, bersiv neda û ne liviya. Şivan hinek din nêz bû û xwe ser de xwar kir. Ser rûyê kalê dirêjbûyî wekî xwedan dabe zîpîk zîpîkî bûbû. Libên axê di nava rihê wî ye spî de belav û şil bûbû.
- Şivan veciniqî û bi awîrekî matmayî got: “Waaa! Ev Hesenê kal ê. Çi digere li van deran? Qey hatiya gundê xwe ye wêran!...”
- Destê xwe avête milê kalo û hêdîka hejand. Lê di heman keliyê de bi veciniqîn destê xwe şîn de kişand. Lewre Hesenê Kal jî zû de ji van deran çûbû...

*Perperik*  
Azad û azawa xweza ye  
Fîrek jî temen e.  
Temên bi kovan  
Fîr bide azadiya min  
Fîr bide perperik  
Fîr bide...  
Xalxalok  
Oxîra zarokatiya min bû  
Xweziyê min  
Dibirin ji xalo re  
Bêrikirin û hezkirin jî pê re  
Mamê pis  
Wek dayika min  
Konên xeman dihûne  
Bi ser birinê bê derman de...  
Dotmama min  
Rista evîne

## Perperik

*Bi teşiya ji dara gûzê  
Dirêse  
Dapîra min*

*Kul û janan  
Di meşkê de  
Bi darê lewlebê  
Dikewîne...  
Bi nahûrandinê re  
Rondik xwîn diherikîn...  
Ez bêmeçal im  
Di birka xeman de  
Bi şorekê  
Birînen dikewînim...  
Lê;  
Poşiya te ya heftreng  
Bi ser rûdê de  
berdayî?  
Biskên gulîya te  
Mijang mizdayî dibînim  
Di payîza dilê min de  
Belgên biharê vedibin*

OSMAN KAPAN

**İrfan Çintay**  
(17.05.1994 / Bêzar)

# BÎRANÎN

28 dil  
...  
Ber bi çiyayên 'mor' ve meşiyar  
Têhna we wekî bayê 28 dilan  
Gurzên ronahiyê ber bi asoyan ve birin  
Bi bêhna axê hatibûn

barkirin  
Porê xwe dan ber bayê  
Û stranên xwe yên dilşewat  
Hinan li pey xwe nihêrî  
Hinan jî fedî kir li paş xwe binêrin  
Û ketin nava tarî û tarîsanê  
28 giyan, 28 dil...

Di 15'emîn salvegera şehadeta şehîdên çiyayê Bêzarê de em bejna xwe li ber biranîna wan ditewînim...  
Xeyalên wan soza me ye

**MALBATA ÇINTAY**

# Cejna Zimanê Kurdî didome

Cejna Zimanê Kurdî li Ewropa, metropolên Tirkîyeyê û Kurdistanê bi çalakiyan tê pîrozkirin. Di çalakiyên ku hefteyekê bidomin de kurd zextên li ser ziman şermezar dikin û banga xwedîderketina li ziman dikin

NAVENDA NÜÇEYAN - AMED

Cejna Zimanê kurdî li Edene, Enqere, Mersîn û İzmirê bi şahiyên hate pîrozkirin. Di şahiyên de hate xwestin ku zimanê kurdî bibe zimanê fermî û bê parastin.

Komîsyona TZPKurdî ya İzmirê, li NÇM'ê di çarçoveya 15'ê Gulanê Cejna Zimanê Kurdî de şahiyek pêk ani. Di şahiyê de ligel endam û rêveberên DTP, NÇM, DOKH, YDG-M, İHD, İnsiyatifa Dayikên Aştiyê ya İzmirê jî di nav de gelek kes amade bûn. Şahiyê bi rêzgirtinê dest pê kir û bi niqaşên li ser kurdî û slaytên li ser xebatên kurdî dom kir. Di şahiyê de Endamê Komîsyona TZPKurdî Mustafa Borak, diyar kir ku zimanê kurdî rasti gelek astengiyên nezîn hatiye û ligel hemû zor û zehmetiyan xwe gihandiye roja îro. Borak, xwest zimanê kurdî bibe zimanê fermî û têkeve bin ewlehiya makedagonê. Endama Komîsyona TZPKurdî Hatice Şen jî der barê xebatên TZPKurdî de agahî dan û cejna ziman pîroz kir. Piştî axaftinan slaytên ku ji wêneyên Ehmedê Xani, Mir Celal Bedîrxan, Cigerxwîn, Osman Sebrî û şexsiyetên mezin nişan dan. Piştî temaşekirina slaytan Koma NÇM'ê konsereke biçûk da.

## Li Edeneyê sertîfîka hatin dayîn

Li Edeneyê jî bi munasebeta Cejna Zimanê Kurdî xebatkarên TZPKurdî li Bebe Muzikhol a Navçeya Seyhanê pîrozbahî pêk anin. Di pîrozbahiyê de pankarta li ser "Bila zimanê kurdî bibe zimanê fermî" hate vekirin. Di şahiyê de gelek rêveberên DTP'ê û nûnerên saziyên civakî amade bûn. Şahiyê bi rêzgirtinê dest pê kir. Piştî rêzgirtinê Xebatkarê TZP-Kurdî û Mamosteyê Ziman Arjen Raif Qoserî, axaftinek kir. Qoserî, anî ziman ku du sal e cejna ziman tê pîrozkirin û her ku diçe ev cejn li welatên derve jî belav dibe. Piştî axaftinan dengbêjan klam gotin. Klamên dengbêjan bi dirûşma



"Bê ziman jiyana nabe", "Bê serok jiyana nabe" hate qutkirin. Piştî klaman mamosteyên kurdî, sertîfîka da qursiyerên beşdarî kursa mamostetiye ya zimanê kurdî bibûn. Şahî bi stanên Koma Şitlên Azadî bi dawî bû.

## Li Enqereyê jî cejn hat pîrozkirin

Li Komeleya Kurdî Der'a Enqereyê bi amadekariya Kurdî Der û beşdariya parlamenterên DTP'ê Hamî Geylanî, Osman Özçelik, nivîskar Canîp Yıldırım, İsmail Beşikçi, Wezîrê Dadê yê berê Adnan Ekmen û endamên TZPKurdî, şahiyek hate lidarxistin. Di despêka şahiyê de ji bo kesên di têkoşina aşî û demokrasîyê de jiyana xwe ji dest dane rêz hate girtin. Piştî rêzgirtinê Serokê Kurdî Derê Ahmet Aday, diyar kir ku wan Cejna Zimanê Kurdî li gorî salvegera weşana Hawar ku ji aliyê Celadet Alî Bedîrxan ve hatiye çapkirin îlan kiriyê. Piştî axaftinan Dengbêj Apê Yasîn bi kurdî klam gotin û şahî bi niqaşên li ser zimanê kurdî bi dawî bû.

## Li Mersînê hezar kes beşdar bûn

Şahiya Cejna Zimanê Kurdî li Salona Dawetê ya Hasret a Navçeya Akdenîzê pêk hat. Şahiya ku ji aliyê Meclîsa Ciwanên Welatparêz û Demokrat ên Mersînê (YDG-M) ve hate lidarxistin ligel Şaredarê Akdenîzê M.Fazil Turk, Endamê Meclîsa DTP'ê Ferhan Tarhan, endam û rêveberên OZYURT-DER, MKM-DER nêzî hezar kesî amade bûn. Şahiyê bi rêzgirtinê dest pê kir. Di şahiyê de pankartên, "Cerdevanî rûşî ye", "Zimanê me rûmeta me ye" hatin vekirin. Di şahiyê de bînavber dirûşmên; "Bijî Serok Apo" û "Şehîd namirin" hatin qêrîn. Di şahiyê de Şaredar M.Fazil Turk û Endamê Meclîsa DTP'ê Ferhan Turk axaftin kirin û xwest ciwan xwe bi rêxistin bikin û li zimanê xwe xwedî derkevin. YDG-M'ê li ser girîngiya rojê peyamek xwend û hat gotin ciwan li hemberî înkâr, îmha û asimilasyonê parêzvanên ziman û çandê ne. Piştî axaftinê Koma Muzîkê ya MKM-DER'ê, Turan Şengül û Fereç konser dan.

## Endamên mamosteyan di Cejna Zimanê Kurdî de sertîfîkayên xwe wergirtin

Kesên ku di Kursa Zimanê Kurdî de ku bi piştigriya Kongreya Neteweya Kurdistanê û Komîsyona Perwerde û Ziman hatibû vekirin perwerde dibûn, sertîfîkaya mamostetiya kurdî wergirtin.

Di salên dawî de aktivîteyên zimanê kurdî li Ewropayê her diçe zêde dibin. Ji bo pêşvebirin, nasîn û zimanê kurdî bibe zimanê perwerdehiyê KNK'ê cara yekem di sala 2006'an de 'Cejna Zimanê Kurdî' îlan kir. Cejna Zimanê Kurdî bi biryara KNK'ê 3 rojan tê pîrozkirin. Kursa Zimanê Kurdî ku li paytexta Danîmarkayê li Kopenhagê hatibû vekirin xebatên xwe di cejna ziman de bi dawî kir.

Kursa ku di meha çileyê de dest pê kir 15 hefteyan dom kir. Kurs li Danîmarkayê jî aliyê gelek saziyê kurd ve hate vekirin û gelek saziyan alîkarî dan

vekirina kursê. 11 mamosteyên kurd, pedagoj û xwendekarên beşa filolojiyê beşdarî kursê bûn. 6 jê jin 5 mêr bi giştî 11 endamên mamostetiya zimanê kurdî bi serketî kurs qedandin. Sertîfîkayên mamosteyan ji aliyê serokê Komîsyon û Perwerdehiyê ya KNK'ê Rojan Hazim ve hat dayîn. Xizmetên kursiyeran, rêveberî Fey-Kurdê İbrahim Suruç, Şoreş Bilikan û serokê Fokus-Ayê Necatî Harmankaya û endamên komeleyê beşdar bûn.

Mamosteyên ku sertîfîkaya mamostetiye wergirtin de li Danîmarkayê di dibistanên gel û saziyên kurdan de kursan bidin zarokên kurd. Serokê Komîsyon û Perwerdehiyê yê KNK'ê Rojan Hazim anî ziman ku kursên zimanê kurdî de li Ewropayê bi awayekî rêkûpêk bîn zêdekirin. KOPENHAG

## W bi mijarên girîng derket

Kovara W ku ji du mehan carekê derdikeve di hejmara xwe ya gulana-heziranê de dosyaya 'Kurdoloji; çi, çima, çawa?' digihîne ber destê xwendevanên kurdî. Her wiha hevpeyvîna bi Rênas Jiyan re jî hatiye kirin balê dikişîne.

Kovara wêjeyî, çandî û hunerî W bi hejmara xwe ya 26'an derket. Kovara W di vê hejmara xwe de dosyaya 'kurdoloji; çi, çima, çawa?' jî xwendevanên xwe re vedîçirîne. Rohat Alakom bi "Kurtebeşeke pêşketina kurdnasiyê (1988-2008), Samî Tan bi "Daxwaza kurdan perwerdehiyê ne kurdoloji ye", Salih Akin bi "lêkolînên kurdolojiyê li Fransayê", Mihemed Ronahî "kurdoloji: Zanista hesta netewî" û hevpeyvîna bi Efrasyab Hewramî re mijara kurdolojiyê jî xwendevanên xwe re rave dike.

Ji bilî dosyayê nivîsên weke çirok, helbest û pexşan di kovarê de cihên xwe digirin wiha ne: Rêka dibistanê - Brahm Ronîzer, Tu ku de diçî - Mehmet Devîren, Rojên derew - Yûsiv Biyanî, Girê zilmatiyê - Lokman Ayebe, Guldesteyek helbest - Reyhan Sarhan, Carinan mirov xwe jî dîkuje - Şener Ozmen, Strî û gul - Dilşer Bêwar, Veqetîn - Baxdat Arda, Ji min re bibêjin İsmail - Yavuz Ekinci, Êdî bêhna te tê - Nesrîn Navdar, Goristana hêsrên rizyayî - İrfan Amida, Xwircezîna dil - Fatma Savci, Tazî - Şevger Çiya, Di romana kurdî de pêngaveke pirhêl: Rojnivîska Spînoza - Yapob Tilermenî, Portre - Fewzî Bîlge, Ji William Shakespeare çend sone - Kawa Nemir, Di neynika pirtûkê de - Yunus Eroglu.

Di kovarê de bi Rênas Jiyan ê ku bi rêça Kovara Rewşen û dinamîzma 1990'î de qûçên helbest û fikir û pêlan ava kiriyê re hevpeyvînek li ser Janya, Mexzena Xwinê, Di Tuwaletê De û Ji Şevê re Çend Têgehên Dera Hanê re hatiye amadekirin. AMED



Bahman Ghobadi

## Hesp, kûsî û niha jî pisîk...

IALİ GULER - CANNES

Derhênerê kurd Bahman Ghobadî îcar jî pisîkên Îranê kirin mijara filmê xwe. Film di çarçoveya 62'emîn Mihîricana Fîlman a Navneteweyî ya Cannesê hat nişandan û rastî eleqeyê hat. Di film de drama ciwanên ku li Tehranê dijîn û muzîka rockê dikin bi awayekî mîzahî hatiye vegotin.

Derhêner 9 sal beriya niha di heman mîhrîcanê de bi filmê "Dema Hespên Serxweş" xelata kameraya zêrîn û xelata rexneya navneteweyî wergirtibû û niha jî bi filmê "Kasi Az Gorbehaye Irani Khabar Nadareh" (Kesek Behsa Pisîkên Îranê Nake) careke din derket pêşberî sinemahezan. Eleqeya Ghobadî ya ji bo sewalan didome. Beriya niha hesp û kûsî niha jî pisîk... derhêner pirsgerîkên gelê xwe û ya gelên Rojhilata Navîn bi riya sewalan vedibêje û ev rêbaz jî xwe re

kiriye nasnameyek. Di film de sahneyên ku mirov gelek bi hestiyar bike wekî filmên din nîn bin jî sahnaya filmê ya dawî pir balkêş e.

### Rejîma Tehranê rexne dike

Derhêner ev demeke dirêj e bîdengiya xwe bi filmê "Kesek Behsa Pisîkên Îranê nake" bi dawî kir. Di film de jiyana ciwanên ku Tehranê di bin zextên rejîma Îranê de dijîn, muzîka rock û rapê dikin tê vegotin. Film li kûçeyên Tehranê yê pişt, cihên veşartî ve rejîma Îranê rexne dike û bêtêhamuliyaya rejîma Îranê ya li hember cudahiyan tîne ziman. Lê derhêner piçekî nerm tevgeriyaye. Wekî boksorekî ku "zêde zexm lê bidim dê bi hêrs êrişî min bike" hatiye kişandin. Dema mehek berê bi Ghobadî re axivim gotibû "Me film veşartî kişand. Heke film bê nişandan dê bi min re mijûl bibin."

### Evîna rockê bû sedema mirina wî

Di film de çirokeke xweser hatiye bikaranîn û her sahnayekî temaşevan bêtir di meraqê de dihêle. Ghobadî bi kameraya xwe ya destan li kûçeyên Tehranê ketiye pey rockvanan. Xizaniya Îranê jî hatiye nişandan. Ciwanên bi navê Negar Shaghaghî û Ashkan Koshanejad ji ber ku nikarin tiştên ku dixwazin li Îranê bikin dixwazin Londonê konserekê bidin û ji bo konserê dikevin nav hewldanan. Ciwan nikarin bi riya qanûnî derkevin derveyî welat lê ve carê jî hewl didin ku bi riya derqanûnî derkevin. Lê di operasyona li hember mafyaya pasaportan de pasaporta wan dikeve destê polîsan û hevîyên xwe winda dikin... Film bi dema Ashkan Koshanejad jî polîsan direve di şibakê de dikeve û jiyana xwe ji dest dide bi dengê Negarê mîstîk ê straneke rockê ve bi dawî dibe.

## Mahsûnî Şerîf tê bibîranîn

Hunermend Mahsûnî Şerîf di 7'emîn salvegera mirina xwe de li Tirkîyê û Ewropayê bi hin çalakiyan tê bibîranîn.

Mahsûnî Şerîf di 17'ê gulana 2002'an de li bajarê Kolan a Almanyayê jiyana xwe ji dest dabû û li ser wesiyet û daxwaza wî di 19'ê gulana de li navçeya Hacibektaşê Nevşehirê hatibû veşartin. Ji bo biranîna Mahsûnî Şerîf li Hacibektaşê hin çalakî hatin lidarxistin. Li navçeyê konsera

ku bi stranên hunermend pêk tên hate dayîn. Zarokên Mahsûnî Şerîf Alî û Emrah Mahsûnî û neviyê wî Yigît Ozdemir jî stranên wî strîyan.

Her wiha di 22'ê gulana de jî bo biranîna Mahsûnî Şerîf li Silivriya Stenbolê şeva biranînê tê lidarxistin. Di şeva ku jî aliyê Komeleyên Çandê ya Elewîyan li Mega Saray Salonu bê lidarxistin de stranên hunermend Mahsûnî Şerîf de bêne gotin. STENBOL

## Sersaxî

Bavê hevalê me Mehmet Kiliç

**HUSEYİN KILIÇ**

Çûye ser dilovaniya xwe.

Em ji malbata wî re sersaxiyê dixwazin.

Xwedê ef û maxfîretê bide û cihê wî buhiştê baqî be.

**Xebatkarên Çapemeniya Azad**

Mizgîn Ronak

Serfiraziya ziman

# Dê li 6 bajaran konên nobetê vedin

Bi pêşengiya parlamenterên jin ên DTP'ê di çarçoveya kampanyaya "Em ne namûsa tu kesî ne, namûsa me azadiya me ye" de dê li 6 bajarî konên nobetê bèn vedan. Îro li Dêrika Mêrdînê kon tê vedan

Tevgera Jinan a Azad û Demokratîk (DOKH) di çarçoveya kampanyaya "Em ne namûsa tu kesî ne, namûsa me azadiya me ye" de li dijî şideta li hemberî jinê, kuştina bi hinceta namûsê bi pêşengiya parlamenterên jin ên DTP'ê de her meh li bajarekî cuda konên nobedariyê vedin.

DOKH'ê di 24'ê mijdarê de Roja Têkoşina Li Dijî Şideta Li Hemberî Jinê ya Navneteweyî de kampanyayek bi navê "Em ne namûsa tu kesî ne, namûsa me azadiya me ye" da destpêkirin. DOKH bi pêşengiya parlamenterên jin ên DTP'ê de konên nobedariyê li navçeya Dêrika Mêrdînê, Stenbol, Îzmir, Wan, Riha û Mêrsînê vede.

## Dê têkoşin bidome

Jin dê starta çalakiya xwe îro li navçeya Dêrika Mêrdînê bidin. Parlamentera DTP'ê ya Şimexê Sevahîr Bayindir, der barê çalakiyê de axivî û diyar kir ku ev çalakî di çarçoveya kampanyaya "Em ne namûsa tu kesî

ne, namûsa me azadiya me ye" tê organîzekirin. Bayindir, got ku armanc dikin ku li dijî kuştina bi hinceta namûsê, li dijî nêrîna ê din û li dijî zihniyeta serdest konên nobedariyê bèn vedan û di vê mijarê de gel bê agahdarkirin. Bayindir destnîşan kir ku heta ku jin azad nebe, civak jî azad nabe û wiha axaftina xwe dom kir: "Jinan tu carî asta jiyana civakê, siyasa û aborî qebûl nekîr û li dijî wê bi salan têkoşîneke bênavber da û de têkoşina xwe jî bênavber bidomîne. Em bi vê çalakiyê armanc dikin ku kampanyayê xurtir di nava civakê de pêş bixin."

## Neynîka siyaseta fermî a tirkan

Parlamentera Şimexê Sevahîr Bayindir, bal kişand ser çalakiya konên nobedariyê û got ku di serî de li Dêrika Mêrdînê kon tê vedan. Bayindir, di axaftina xwe de li ser taybetiya hîlbijartina Dêrikê sekinî û wiha axaftina xwe dom kir: "Dêrik wekî navçeyekê herî zêde feodal tê ditin û

em dixwazin nêrîna li hemberî navçeyê bi çalakiya xwe biguherînin. Her wiha dewlet bi destê xwe kevneşopiyên paşvemayî pêş dixê. Vê paşvemayî jî wekî ya kurdan dinirxîne, lê di rastiyê de ev tişt neynîka siyaseta fermî ya Tirkiyeyê ye. Lê bi têkoşina azadiya kurd û têkoşina azadiya jinan neynîka heyî berovajî bû."

Sevahîr Bayindir, daxuyand ku hem çalakiyên bi vî rengî li dar dixin û hem jî qanûnên ku li hemberî jinê hatine derxistin hewl didin ku sererast bikin. Bayindir, da zanîn ku tu carî li benda organîzasyonên dewletê nemane û de bi şaredariyên heyî statuya jinê pêş bixin, di istîhdamkirina jinan de pozitif nêzik bibin û malên jiyandê yê jinê ava bikin.

## Paşde gavan naavêjin

Bayindir, di axaftina xwe de bal kişand ser asta azadiya jinên kurd û diyar kir ku pêşketina jinan rastî zext û şidetê tê. Bayindir wiha dirêji da axaftina xwe: "Tevgera jinan jî nesibê xwe ji operasyona ku li hemberî DTP'ê pêk hatî girt. Dewlet tu carî di tu mijaran de ji bo jinan kota esas negirtiye lê di dema girtinan de



Sevahîr Bayindir

kota pratîze kiriye. Dewlet li aliyekî kurdan bi paşvemayîna wan didarizine li aliyekî jî mudaxaleyî vîna jinên ku ji bo azadiyê têdikoşin dike. Lê jin tu carî dest jî têkoşina azadiyê bernade û paşde gavan naavêje."

Bayindir, di dawiya axaftina xwe de got ku divê rêxistin, sazî û dezgehên jinan piştigiriyê bidin çalakiya wan. Bayindir, diyar kir ku de bi hezaran jin li Dêrikê bi hev re ji şideta li ser jinê, qetlîam û girtinan re bibêjin na. AMED / DHA

# Li hemberî pêşbirkê nerazîbûn

Nerazîbûna rêxistinên jinan a li hemberî pêşbirkê "Zaroka herî xweşik hildibijêrin" didome.

Li Îzmîrê rojnameyê herêmê wêneya zaroka ku cilê bûkanî li xwe kirî weşand û bi vî wêneyî ilana pêşbirkê dike. Pêşbirkê îro tê lidarxistin. Sendîka, rêxistin û dezgehên jinan li hemberî vê pêşbirkê nerazîbûnên xwe bi tundî nîşan didin. Her wiha jinan diyar kir ku de 18'ê gulandê jî

Dozgeriya Komara Îzmîrê re gili bikin.

Nûner û endamên gelek sazî û dezgehên sivil diyar kir ku pêşbirkê bi vî rengî li ser derûnî û bedena zarokan tehrîbatên gelege mezîna pêk tîne û divê pêşbirkê bi vî rengî bêne qedexekirin. Mala Çandê ya Jinan a Çigli Evkaya duyem (ÇEKEV),

Komeleya Piştewaniya Jinan a Îzmîrê (İKDD), Komeleya Hîqûnasên Nûjen (ÇHD), Grûba Xebatê ya Li Dijî Cudaxwaziya Cinsiyetê, Komeleya Jinan a Kedkar (EKD), Însiyatîfa Jinan a Serbixwe (BKÎ), Mala Jinan a Evka ya Yekem

(BEKEV), Şaxên Eğıtîm Senê ya Îzmîrê û Koordînasîyona Jinan a bajar a TMMOB'ê ya Îzmîrê de 18'ê mehê li ber Edliya Bayrakliya Îzmîrê bicivin û pêşbirkê protesto bikin û gili bikin. Jin de bi ber adliyeyê daxuyanîyekê bidin çapemeniyê. Jin de di daxuyanîyê de balê bikişînin ser pêşbirkê ku zarokan îstîsmar dikin, derûnî û bedena zarokan dixin xetereyê teşîr bikin. İZMİR



## Sersaxî

Kadri Gokdere  
1957 - 2009

Meş nîvco namîne heya azadî aşî û serkeftinê de berdewam be Jiyana te ya bi rûmetê de riya me ronî bike...

**Konfederalîzma Kedê ya Demokratîk**

Welatparêz û şoreşgerê heja, Evîndar û têkoşerê têkoşina gelê xwe, Bi bedelên giran te têkoşin da. Bi dehan salan li zindanê girtî li hemberî îşkenceyên giran... Berxwedan û cardin têkoşin...

## Ji girtiyên DOKH'ê re kartên piştigiriyê şandin

Platforma Jinan a Piştewaniya DTP'ê, ji bo piştigiriyê bidin girtiyên Tevgera Jinan a Azad û Demokratîk kart şandin. Endamên platformê li dijî operasyonên li hemberî DTP'ê pêk hatî şermezar kirin û ji bo piştigiriyê bidin girtiyên jin li ber lîseya Galatasarayê civiyan. Gelek nûnerên saziyên jinan tevli çalakiyê bûn. Endamên platformê jî ber lîseya Galatasarayê heta postexaneyê Beyoglu'yê meşîyan. Jinan pankarta "Ji zext û girtina li hemberî DTP'ê re na" vekir.

Jin heta postexaneyê bi çepik û tilîliyan meşîyan. Li ser navê platformê rêvebera Koperatîfa İMECE'yê Canan Ari daxuyand da. Ari, diyar kir ku piştî hîlbijartinê 29'ê adarê li hemberî

DTP'ê operasyonê dest pê kir. Ari, destnîşan kir ku operasyon li hemberî aştiyê û têkoşina azadiya jinan pêk hat û wiha got: "Di hîlbijartinan de jinên kurd serkeftinên mezîna bi dest xistin. Di nava 17 şaredarên jin de 14 şaredarî yê DTP'ê bûn. Dewletê tehamulî serkeftina hatiye bidestxistin nekîr û xwest asteng bike. Lê jin de li malê û li girtigehê daxwazên xwe yê azadiyê binin ziman û têkoşina xwe bênavber bidomînin."

Ari, destnîşan kir ku kesên ku alîgirê aştiyê û demokrasiyê ne divê piştigiriyê bidin DTP û DOKH'ê. Ari, got ku divê girtî demildest serbest bêne berdan. Piştî daxuyanîyê jinan jî girtiyên jin re kart şandin. STENBOL





## Ji ber bendavê mexdûr bûne

Bendavên ku li Kurdistanê tîr çêkirin hem dîrokê tune dikin û hem jî gel mexdûr dikin. Şêniyên 18 gundên Kopê jî ji ber ku gundên wan di bin avê de mane perîşan bûne

Bendava Alpaslan 1 ku di sala 1995'an de ji aliyê Karê Avê ya Dewletê ve (DSÎ) ve hatiye çêkirin û di sala 2008'an de jî dest bi faalîyê kirîye 18 gundên bi ser navçeya Kopa Mûşê mexdûr dike. Dewletê gundên ku di bin avê de mane desteser kir lê pere neda gundiyan her wiha jî bo wan cihê jî nîşan neda. Gundiyan li hemberî vê yekê nerazîbûn nîşan dan û diyar kirin ku dewletê we mexdûr kirine.

Ji bo çêkirina Bendava Alpaslan 1 li navçeya Kopa Mûşê di sala 1995'an de xebat hate destpêkirin. Bendav di sala 2008'an de jî kete faalîyê. 8 gund di bin avê de mane.

Ji bilî van, gundên Qogak, Şehwelya, Kopo, Sahbarat, Xirbe, Hoşgeldî, Gulçimen, Akroq, Şabelat û Arincikê jî ji ber xetereyê hatin valakirin. Gundiyan ku jî gundê xwe derketin hinek ji wan çûn li cem xîzmên xwe yê li gundên derdorê. Lê hinek jî wan jî kon vedan û di konan de tîkoşîna jiyane didin. Bi bilindbûna ava bendavê dibistanên gund di bin avê de mane. Ji sedan xwendekar bê dibistan man. Ji gundê Kopo jî na navê Zahîde Oner (75) diyar kir ku 75 sal in li vir dijî lê mecbûr maye gundê xwe biterikîne. Oner wiha axivî: "Di bin navê nerijiyê de axa me di bin avê de hiştin."

Heserê wê Ahmet Oner jî diyar kir

ku jiyana wan serobino bûye û wiha got: "Ez li vir bang li hemû cihanê dikim. Ev tîşt ku AKP dike derveyî mirovahiyê ye. Ji gundiyan weke me çî dixwazin û hatin li ser axa me bendav ava kirin. Hem axa me desteser kirin hem jî pereyê me nadin. Di misilmaniye de tîstekî wisa nîn e."

### Gundiyan ceza dikin

Nîmet Karakayê jî got ku di hevdîtina bi rayedarên de rastî nêzikatiyên balkêş hatine û wiha axivî: "Me bi parlamenterê AKP Seracettîn Karayagiz û Qaymeqamê Kopê Fatih Aksoy re hevdîtin pêk anîne lê encamêk bi dest nexist. Alîkarî nedan me. Parlamenterê AKP'ê Seracettîn Kara-

yagiz jî ji me re got dengê xwe bidin AKP'ê piştê em biaxivin. Em ji wan gotinan van tîştan fêm dikin ku ew me ceza dikin." Karakaya got ku gundî hatine mexdûr kirin û pereyên wan nadin wan û wiha berdewam kir: "Ji me re dibêjin gund vala bikin lê cihêkî nîşanî me nadin. Em mexdûr bûne. Zeviyên me di bin avê de ma. Midûriyeta Bayındirlikê ya Dewletê metrekareya malan 268 TL diyar kirîye lê ji bo hin malan 80 TL didin. Ev nayê qebûl kirin. Bedela nîrxên ku di bin avê de dihelîn nabe." Welatîyê bi navê Haşim Işık jî diyar kir derdê dewletê ne ceryan e û wiha got: "Dewlet bi vî rengî

dixwaze tîkiliyên di navbera gel û PKK'ê de qut bike. Ne xema wan e ku em hatine mexdûr kirin. Qaymeqamê Kopê bi awayekî aşkera ji me re got 'heke hûn mirov bana em ê weke mirov nêzikî we bana.' Ji ber ku me deng daye DTP'ê wisa dikin. Ew me bikujin jî rengên dengê me diyar e. Li navçeya Çerkez a Yozgatê jî ber bendavê cih dane welatîyan lê li vir me perîşna dikin." Endamê Meclîsa Giştî ya Bajâr Arafat Karlıdaglı jî diyar kir ku feraseta dewleta civakê jî holê hatiye rakirin. Karlıdaglı got ku ew vê yekê qebûl nakin û ji bo gel mexdûr nebe dê vê yekê bişopînin. MŪŞ

## Li Heskîfê kolandinên arkeolojîk dest pê kir

Rektorê Zanîngeha Êlihê Prof. Dr. Abduselam Uluçam, diyar kir ku wan starta kolandina erdkolojîyê li Heskîfê dest pê kir û heta 15'ê cotmehê bidome. Uluçam, anî ziman ku ne pêkan e tevne çandî yê Heskîfê biguhêzin û ev yek li dijî zagona xwezayê nîrxand.

Zanîngeha Êlihê, der barê xebatên kolandina erdkolojîya Heskîfê de li Heskîfê civîna çapemeniyê li dar xist. Rektorê Zanîngeha Êlihê Prof. Dr. Abduselam Uluçam, diyar kir ku wan îro starta kolandinê dest pê kirîye û kolandina Heskîfê de heta 15'ê cotmehê bidome. Uluçam, da zanîn ku wan îsal zû dest bi kolandinê kirîye û wiha got: "Beriya niha arkeolog jî zanîngehê derve dihatin. Ji zanîngehê Yuzuncu Yil û Selçukê dihatin. Li gorî perwerdehiya zanîngehan jî ber ku xebatên kolandinê çêdibûn em li benda dawîya salê diman. Niha arkeolog li Zanîngeha Êlihê peywirê dikin û êdî pirs-girêka çûn û hatinê tune. Êdî derfet û dema me zêde ye. Dê kolandin heta 15'ê cotmehê bidome."

Uluçam, li ser xebatê jî agahî dan û diyar kir ku

dê 12 endamê hindekariyê û 24 xwendekarên lîsansê xebatê bimeşînin. Li aliyê din nêzî 160 xwendekarê zanîngehê cuda serî li me dan. Uluçam, destnîşan kir ku dê nêzî 150 karkerî bidin xebitandin û wiha dom kir: "Dê kolandin li 4 deverên cuda bê kirin. Hin kolandin bi nivî mane. Îsal em ê kolandina li ser wan dom bikin. Dîsa em ê li girekî nû dest bi kolandinê bikin. Yekem car li gorî xebatên rûyên erdê berhemên dema Neolitik û dema Kevir derketin holê. Ev berhem û bermahiyan derkevin holê dê dîroka Heskîfê zelal bike."

Uluçam, da zanîn ku xwendekar jî Zanîngehê Selçuk, Atatürk, Gazî û Zanîngeha Wanê werin li vir xebata kolandinê bikin. Di destpêkê de em dê li ser Tirba Zeynel Beg dest bi kolandinê bikin. Ji bo kolandinê Wezîrê Çandê 1 milyonek û 240 hezar TL pere cûda kirîye. Midûriyeta DSÎ jî 495 hezar TL pere ji me re cûda kirîye. Uluçam destnîşan kir ku ne pêkan e berhem cih biguhêzin û anî ziman ku guhez-tina berhem û bermahiyan li dijî xwezayê ye. ELIH

## Eleqeya ji bo cilên neteweyî zêde dibe



Li Colemêrgê bi germbûna hewayê re fîstan û kirasê jinan eleqeyê mezîna dî-bînin. Cihên ku kiras û fîstanê didirûn jî ber zêdebûna sparîşan êdî di ber dirûtinê re nagihêjin.

Di serî de li Colemêrgê û li Şîrnexê di rojên taybet de jin kiras û fîstanê herêmî li xwe dikin. Cilên herêmî ku wekî sembolek neteweyî tîr dîtin, li herêmê gelekî bi qîmet tîr dîtin. Kesên ku kincên jî modelên kadîfe, bi pul, çermê mar, tul, yê nexşandî, nîgar, qedîfeyê bi tul û modelên şoqdar û gelek cureyên cilên neteweyî didirûn û difiroşin, ji ber eleqeya zêde êdî di ber nagihêjin.

Xwediyê Kargeha İrmakê Songul Ateş, destnîşan kir ku di demên dawîn de cilên neteweyî eleqeyê mezîna dîbînin. Ateş, anî ziman ku rojê 10 fîstanan çêdike û diyar kir ku fiyete wan di navbera 15 û 60 TL'yan de li gorî qumaş diguhere. Ateş, derbirî ku bi zêdehî modelên, barzanî, modela Iraq û çerkez tîr ecibandin. Ateş, bilêv kir ku cilên neteweyî jî bo jinên Colemêrgê bi taybetî jî di demên dawetan de di rêza yekem de ne.

Esnafê bi navê Tahîr Baş ku kincên herêmî difiroşe jî, destnîşan kir ku rojê nêzî 40 fîstanên fiyeta wan di navbera 50 û 300 TL'yan de diguhere difiroşe. Taş, tîkildarî eleqeya ji bo cilên neteweyî wiha axivî: "Bi salan e ez vî karî dikim. Bi taybetî di dema despêka dawetan de eleqeya ji bo cil û bergên herêmî zêdetir dibe. Karê me di meha çîle de disekine, lê bi hatina demsala havînê re dîsa dest pê dike." Taş, daxuyand ku turist jî bi eleqeyê mezîna nêzî cil û bergên herêmî dibin û dikirin. COLEMÊRG

## Licê di tariyê de ye

Li navçeya Licê ya Amedê jî ber lambeyên kuçeyan vênakevin, navçeyê bi şevê vedigere bajarekî tarî.

Navçeya Licê ku 12 hezar nifûsa wê heye, piştî roj hiltê di nav tariyê de dimîne. Li Licê jî ber ku lambeyên kolan û kuçeyan vênakevin, welatî di şevê de bi fenera destan dertên derve. Welatîyan diyar kirin ku rayedarên TEDAŞ'ê peywira xwe bi cih naynin. Welatîyan, destnîşan kirin ku

dema bûyerên diziyê jî diqewmin pê nahesin. Welatîyan bang li rayedaran kirin ku peywira xwe bi cih binin û pirs-girêka ceyranê çareser bikin.

Rayedarên TEDAŞ'ê jî îdia kirin ku jî ber hêza ceyranê di destê wan de hindik e lembeyên kolan û kuçeyan venakin û diyar kirin ku derfetên wan ên zêdekirina hêza ceyranê çêbibe, dê ceyrana kolan û taxan vekin. AMED